



FLETORJA ZYRTARE E REPUBLIKËS SË SHQIPËRISË

Botim i Qendrës së Publikimeve Zyrtare

www.legjislacionishqiptar.gov.al

Nr.160

3 dhjetor

2007

P Ë R M B A J T J A

Faqe

Ligj nr.9831
datë 12.11.2007

Për dëmshtëpërblimin e ish të dënuarve politikë të regjimit 4669
komunist.....

Udhëzim i MF
nr.24, datë 15.11.2007

Mbi trajtimin e dëmeve të mbuluara nga kontrata e sigurimit të
detyrueshëm të mbajtësve të mjeteve motorike për
përgjegjësinë ndaj palëve të treta 4694

LIGJ
Nr.9831, datë 12.11.2007

PËR DËMSHPËRBLIMIN E ISH TË DËNUARVE POLITIKË
TË REGJIMIT KOMUNIST

Në mbështetje të neneve 78 dhe 83 pika 1 të Kushtetutës, me propozimin e Këshillit të Ministrave,

KUVENDI
I REPUBLIKËS SË SHQIPËRISË

VENDOSI:

KREU I
DISPOZITA TË PËRGJITHSHME

Neni 1

Objekti dhe fusha e veprimit të ligjit

Objekt i këtij ligji është përcaktimi i përfituesve, masës, kritereve dhe procedurës së përfitimit të dëmshpërblimit financiar për ish të dënuarit politikë, të cilët kanë vuajtur persekutimin e drejtpërdrejtë në regjimin komunist, nëpërmjet kryerjes së dënimeve penale të padrejta, si burgim apo masa mjekësore të detyrueshme, si pasojë e një apo disa vendimeve penale të formës së prerë të gjykatave të zakonshme, gjykatave speciale apo të urdhrave të organeve të hetuesisë, gjatë periudhës 30.11.1944 deri më 1.10.1991.

Objekt i këtij ligji është edhe dëmshpërblimi i familjarëve të viktimave, të ekzekutuara apo të pushkatuara padrejtësisht për motive politike, me vendime penale të formës së prerë të gjykatave të zakonshme apo speciale, ose me urdhra të organeve të hetuesisë, gjatë periudhës 30.11.1944 deri më 1.10.1991, si dhe dëmshpërblimi financiar për personat e internuar ose të dëbuar, me kusht që humbja e jetës apo periudha e vuajtjes së internimit ose dëbimit të vërtetohen me dokument, të krijuar si burim arkivor para datës 1.10.1991. Dëmshpërblimi i viktimave, të vrara ose të ekzekutuara gjatë periudhës 30.11.1944 deri më 1.10.1991, jepet vetëm për familjarët e përcaktuar sipas këtij ligji.

Neni 2

Qëllimi i ligjit

Qëllimi i këtij ligji është dhënia e dëmshpërblimit financiar nga shteti shqiptar për ish të dënuarit politikë të regjimit komunist, të mbetur gjallë, për familjarët e viktimave të ekzekutuara dhe personat e internuar ose të dëbuar në kampe, si një angazhim i shtetit demokratik në dënimin e krimeve të regjimit totalitar komunist dhe garantimin për ta të një jete më të mirë.

Dëmshpërblimi financiar, sipas këtij ligji, nuk përjashton marrjen e masave të tjera, të njëkohshme ose të mëvonshme, ligjore apo administrative, në dobi të të persekutuarve e të dënuarve politikë, të cilat i shërbejnë rivendosjes së drejtësisë dhe dinjitetit shoqëror të kësaj shtrese apo krijimit të kushteve favorizuese, për riintegrimin shoqëror të tyre.

Neni 3

Dënim penal i padrejtë

Me dënim penal të padrejtë, në kuptim të këtij ligji, për efekt të dëmshpërblimit, nënkuptohet dënimi kapital ose çdo ditë heqje lirie, izolimi, internimi apo dëbimi, për vepra penale politike, në institucionet penitenciare apo një institucion mjekësor, psikiatrik apo jopsikiatrik, për shkak të një:

a) vendimi apo urdhri hetuesie me vdekje, i ekzekutuar gjatë periudhës 30.11.1944 deri më 1.10.1991;

b) vendimi dënim me burgim të përjetshëm;

- c) vendimi dënim me burgim;
- ç) vendimi dënim me mjekim të detyruar;
- d) vendimi dënim me vendosje në një institucion mjekësor apo mjekësor psikiatrik;
- dh) urdhri nga hetuesia;
- e) vendimi dënim me vdekje, i paekzekutuar, si pasojë e rrëzimit të sistemit komunist më 1.10.1991;
- ë) vendimi, urdhri hetuesie apo vendimi administrativ politik për internim ose dëbim.

Neni 4

Kriteret për të përfituar dëmshpërblim

I dënuari ose familjarët e viktimave të dënuara, të ekzekutuara apo të pushkatuara, për të përfituar dëmshpërblim duhet të plotësojnë kriteret e mëposhtme:

a) të jetë dënuar me dënim kapital, heqje lirie, internim dhe dëbim apo të jetë izoluar në hetuesi ose në një institucion mjekësor psikiatrik, për shkak të një vendimi gjykatë të formës së prerë, të një akti administrativ apo të urdhrave të hetuesisë, të dhëna gjatë periudhës 30.11.1944 deri më 1.10.1991;

b) heqja e lirisë, izolimi në hetuesi apo në një institucion mjekësor psikiatrik, me vendim gjyqësor të formës së prerë apo me urdhër të hetuesisë, të jetë për shkak të një veprë penale politike, siç përcaktohet në nenin 5 të këtij ligji;

c) të ketë kryer ose të ketë vuajtur dënim penal të padrejtë plotësisht ose pjesërisht;

ç) të kenë fituar pafajësinë, sipas ligjit nr. 7541, datë 30.09.1991 “Për pafajësinë, amnistinë dhe rehabilitimin e ish të dënuarve dhe të përndjekurve politikë”, të ndryshuar;

d) sipas vendimit gjyqësor të formës së prerë, të mos ketë kryer veprime të dëmshme, me pasoja për jetën e shtetasve të tjerë.

Neni 5

Vepra penale politike

Vepra penale politike, në kuptim të këtij ligji, vlerësohen vetëm veprat penale, të parashikuara në njërin nga dispozitat ligjore të mëposhtme:

a) në nenin 1 të ligjit nr.21, datë 15.12.1944 “Mbi sabotatorët e luftës dhe të pushtetit të popullit, mbi ata, që fshehin kriminelët e luftës etj., mbi ata që vjedhin pasurinë e shtetit dhe të popullit, mbi spekulatorët, falsifikatorët, mbi ata, që fshehin sende të domosdoshme për ushqimin dhe strehimin e popullit dhe për rindërtimin e vendit”;

b) në nenet 14, 15, 16, 17 e 18 të ligjit nr.41, datë 14.1.1945 “Mbi organizimin dhe funksionimin e gjykatave ushtarake”;

c) në nenet 2, 3 pika 13, 4, 7, 8 e 9 të ligjit nr.372, datë 12.12.1946 “Mbi fajet penale kontra popullit dhe shtetit”;

ç) në ligjin nr.373, datë 12.12.1946 “Mbi ndjekjen e tregtisë së ndaluar, të spekulimit dhe sabotimit ekonomik”, pjesa e sabotimit ekonomik;

d) dispozitat e mëposhtme të Kodit Penal të vitit 1952:

Neni 64 “Tradhtia ndaj atdheut”

Neni 65 “Spiunazhi”

Neni 69 “Organizimi dhe pjesëmarrja në bandat e armatosura”

Neni 70 “Diversioni”

Neni 72 “Sabotimi”

Neni 73 “Agjitacioni dhe propaganda kundër pushtetit popullor”

Neni 74 “Nxitja e urrejtjes ose grindjeve midis kombësive, racave ose feve”

Neni 75 “Propaganda e luftës”

Neni 76 “Pjesëmarrja në një organizatë kundër pushtetit popullor”

Neni 77 “Veprimtaria para çlirimit”

Neni 78 “Solidarësia ndërkombëtare”

Nenet 102, 103, 104 e 105 “Krimet në lidhje me tatimet dhe detyrimet”. Neni 218 “Moskallëzim i krimit”, paragrafi i parë për moskallëzim të një krimi kundër shtetit, të parashikuar në

nenet 64, 69, 70, 72, 73, 75, 76, 77, 78, 79 të këtij Kodi dhe neni 255 “Kalim i paligjshëm i kufijve të shtetit”;

dh) dispozitat e Kodit Penal të vitit 1977, miratuar me ligjin nr.5591, datë 15.6.1977 dhe ndryshuar me ligjin nr. 6300, datë 27.3.1981, të përcaktuar si më poshtë:

Neni 47 “Tradhtia ndaj atdheut”

Neni 48 “Spiunazhi”

Neni 52 “Diversioni”

Neni 53 “Sabotimi”

Neni 55 “Agjitacioni dhe propaganda kundër shtetit”

Neni 57 “Krijimi i një organizate kundërrevolucionare ose pjesëmarrja në të”

Neni 58 “Veprimtaria armiqësore para çlirimit”

Neni 60 “Veprimtaria kundër lëvizjes revolucionare të klasës punëtore”

Neni 112 “Moskallëzim i krimi”, paragrafi i dytë, për moskallëzim të një krimi kundër shtetit, të parashikuar në nenet 47 dhe 60 të këtij Kodi dhe neni 127 “Kalim i paligjshëm i kufijve”;

e) shkelje e dekretit nr.7408 datë 31.7.1990 “Për mbledhjet grumbullimet dhe manifestimet e shtetasve në vende publike”;

ë) shkelje e dekretit nr.7459 datë 22.1.1991 “Për respektimin dhe mbrojtjen e monumenteve që lidhen me historinë kombëtare dhe simbolet shtetërore.”

Kur, në përfundim të një gjykimi, ish i dënuari politik është dënuar me një vendim përfundimtar, të dhënë si bashkim dënimesh, një ose disa prej të cilave janë dënime penale politike të padrejta, në kuptim të këtij ligji, përlogaritja e pjesës takuese, që zë dënimi politik, për efekt të këtij ligji, në kohën e përgjithshme të vuajtjes së dënimit, të kryhet në përpjesëtim me raportin gjithsej, sipas formulës, që i bashkëlidhet shtojcës “A”. Në të njëjtën mënyrë veprohet në rastet kur bashkimi i dënimeve është dhënë gjatë kohës së vuajtjes së një dënimi të mëparshëm.

Neni 6

Masa e dëmshpërblimit për të burgosurit, të internuarit ose të dëbuarit politikë

Masa e dëmshpërblimit për të burgosurit, të internuarit ose të dëbuarit politikë do të jetë si më poshtë:

a) çdo i dënuar politik, për çdo ditë vuajtjeje dënimi të kryer, në burg, spital psikiatrik, spital burgu, izolim në hetuesi, nga data 30.11.1944 deri më 1.10.1991, dëmshpërblehet financiarisht, sipas kriterëve të këtij ligji, në masën 2 000 (dy mijë) lekë në ditë;

b) për personat që kanë vuajtur internim në kamp me rrethim me tela me gjemba deri në vitin 1954, masa e dëmshpërblimit është 1 000 (një mijë) lekë në ditë;

c) për personat e tjerë të internuar ose të dëbuar parashikohet një skemë pensioni, e cila do të rregullohet me vendim të Këshillit të Ministrave.

Dëmshpërblimi i përcaktuar në paragrafin më sipër u takon dhe familjarëve të tij, në pjesë të barabarta takuese, kur i dënuari nuk jeton më. E drejta e familjarëve për të kërkuar dëmshpërblim është e drejtë jopasurore vetjake.

Nga shuma që çdo i dënuar politik përfiton nga ky ligj, zbritet masa e dëmshpërblimit që ai ka përfituar me ligjet e mëparshme.

Neni 7

Masa e dëmshpërblimit për familjarët e të dënuarve me dënim kapital

Familjarët e viktimave, të pushkatuara apo të ekzekutuara me dënim politik të padrejtë, për vuajtjen dhe persekucionin, përfitojnë një dëmshpërblim financiar të barabartë, gjithsej, në masën e 8 viteve kompensim dënimi me burgim. E drejta e familjarëve për të kërkuar dëmshpërblim është e drejtë jopasurore vetjake.

Neni 8

Rrethi i familjarëve sipas këtij ligji

Në kuptim të këtij ligji, me familjarë nënkuptohen, pavarësisht nga rregullime të tjera ligjore, vetëm paraardhësit, bashkëshortja, fëmija/fëmijët. Familjarët, në shkallë më të parë, sipas Kodit Civil, përjashtojnë familjarët e tjerë.

KREU II

AUTORITETI PËRGJEGJËS DHE KRITERET, NË BAZË TË TË CILAVE KRYHET SHPËRNDARJA E DËMSHPËRBLIMIT

Neni 9

Autoriteti përgjegjës për miratimin e dëmshpërblimit

Këshilli i Ministrave është autoriteti përgjegjës që miraton dëmshpërblimin financiar, në përputhje me këtë ligj, i cili, me vendim, përcakton gjenealitetet përkatëse të ish të dënuarit politik, llojin e dënimit, periudhën e plotë të vuajtjes së dënimit, gjithsej, në vite, muaj dhe ditë, sipas rastit, shumën e dëmshpërblimit financiar dhe, sipas rastit, gjenealitetet e sakta të familjarëve të viktimave të pushkatuara dhe masën përkatëse të dëmshpërblimit të tyre.

Neni 10

Autoriteti përgjegjës për shqyrtimin e kërkesave

1. Ministria e Drejtësisë është autoriteti përgjegjës që shqyrton kërkesat për përfitimin e dëmshpërblimit, sipas këtij ligji, në përputhje me rregullat e përcaktuara në kreun V të këtij ligji. Kur, pas shqyrtimit administrativ, rezulton se kërkesa është e drejtë dhe e bazuar në ligj, Ministria e Drejtësisë i propozon Këshillit të Ministrave miratimin e dëmshpërblimit.

2. Këshilli i Ministrave shqyrton propozimet e dërguara nga Ministria e Drejtësisë brenda dy javëve kalendarike. Vendimet hyjnë në fuqi menjëherë dhe botohen në Fletoren Zyrtare.

Neni 11

Autoritetet përgjegjëse për bashkërendimin e punës

1. Ministria e Drejtësisë, gjatë shqyrtimit të kërkesave, bashkërendon punën me Ministrinë e Brendshme, Ministrinë e Mbrojtjes, Shërbimin Informativ të Shtetit, Drejtorinë e Përgjithshme të Arkivave të Shtetit dhe arkivat e sistemit gjyqësor.

2. Kriteret, procedurat e bashkërendimit të informacionit dhe lloji i përgjigjes për çdo kërkesë përcaktohen me vendim të Këshillit të Ministrave.

3. Ministria e Brendshme, brenda 30 ditëve nga hyrja në fuqi e vendimit, të përcaktuar në pikën 2 të këtij neni, depoziton në Ministrinë e Drejtësisë kopje të njësuar të arkivit për dënimet me internim ose dëbim.

Neni 12

Kriteret për shpërndarjen e fondit

Në bazë të buxhetit vjetor, të vënë në dispozicion dhe sipas radhës së caktimit të dëmshpërblimit, fondet do të ndahen në mënyrë të barabartë për të gjithë ish të dënuarit dhe familjarët e viktimave të pushkatuara, me kusht që vlera e dëmshpërblimit gjatë fazës së parë të mos jetë më shumë se 1 000 000 (një milion) lekë.

I njëjti mekanizëm do të përsëritet një ose më shumë herë, deri në shpërndarjen e plotë të shumës së dëmshpërblimit për të gjithë ish të dënuarit/familjarët e viktimave, me kusht që, në çdo rast, pjesa takuese që kompensohet të mos jetë më e vogël se 100 000 (njëqind mijë) lekë. Asnjë ish i dënuar apo familjar i tij nuk mund të dëmshpërblehet jashtë këtij mekanizmi.

Neni 13

Shpërndarja e dëmshpërblimit

1. Ministria e Drejtësisë, brenda 1 jave nga miratimi në Këshillin e Ministrave të vendimit për dëmshpërblimin, i përcjell Ministrisë së Financave kopjen e plotë të dosjeve individuale të ish të dënuarve politikë, që përfitojnë dëmshpërblim, sipas këtij ligji.

2. Ministria e Financave, sipas buxhetit të vënë në dispozicion, shpërndan, në vlerë të plotë, dëmshpërblimin, për çdo të dënuar politik, që përfiton sipas këtij ligji, nëpërmjet çeljes së depozitës bankare, në emër dhe/ose për llogari të tij ose të familjarëve të tij, në një bankë të nivelit të dytë. Dokumenti i çeljes së llogarisë bankare i bashkëlidhet dosjes në Ministrinë e Financave.

3. Ministri i Financave urdhëron shpërndarjen e dëmshpërblimit, sipas radhës së përparësisë së caktuar në nenin 12 të këtij ligji.

Neni 14

Tërheqja e dëmshpërblimit nga llogaritë

Dëmshpërblimi financiar, i depozituar në llogaritë bankare, tërhiqet personalisht nga vetë ish i dënuari politik apo nga kujdestari i tij ligjor, kur ai ka humbur zotësinë juridike për të vepruar, apo nga familjari i viktimës së ekzekutuar.

Kur ish i dënuari politik ka vdekur apo vdes para ditës së tërheqjes së kësteve të dëmshpërblimit, shumën e parave e përfitojnë, në pjesë të barabarta takuese, vetëm familjarët e tij, të përcaktuar në nenin 8 këtij ligji. Kur asnjë prej tyre nuk është gjallë, dëmshpërblimi shuhet dhe fondet i kthehen Buxhetit të Shtetit.

Banka e nivelit të dytë lejon tërheqjen e të gjithë depozitës nga përfituesit e përcaktuar në paragrafin e dytë të këtij neni, vetëm pasi ata/ai depozitojnë/depoziton personalisht certifikatën e vdekjes së ish të dënuarit politik, dëshminë e trashëgimisë së tij dhe dokumentin, që vërteton se të paktën që njëri prej tyre është gjallë.

Banka e nivelit të dytë, në dokumentin përkatës, shënon të dhënat e personit/personave që tërheq/tërheqin dëmshpërblimin, për llogari të vet dhe të gjithë përfituesve. Një kopje e këtij dokumenti dhe e dokumentit që provon tërheqjen e llogarisë bankare, i bashkëlidhen dosjes individuale në Ministrinë e Financave.

Asnjë veprim bankar nuk mund të kryhet në kundërshtim me paragrafët e mësipërm të këtij neni, edhe nëse ai mund të autorizohet me prokurë.

Ministria e Financave mbikëqyr mënyrën e respektimit të këtij detyrimi ligjor dhe, kur vëren shkelje, gjobit bankën e nivelit të dytë me gjobë të barabartë sa 3-fishi i çdo depozite, të shpërndarë në kundërshtim me përcaktimet e këtij neni.

Neni 15

Çelja e depozitës dhe njoftimi

Depozitat bankare, që çelen në emër të ish të dënuarit politik, sipas nenit 14 të këtij ligji, bëhen të disponueshme brenda 1 jave kalendarike nga çelja e tyre. Ministria e Financave njofton publikisht në media dhe nëpërmjet faqes së vet zyrtare për çeljen e llogarive. Ky njoftim shpallet edhe në faqen zyrtare të Ministrisë së Drejtësisë, në arkivin për këtë çështje.

Neni 16

Afati i vlefshmërisë së depozitës

Depozitat e çelura, në përputhje me nenin 15 të këtij ligji, janë të kërkueshme 3 vjet nga çelja e tyre. Kur brenda 3 vjetëve pranë bankës nuk paraqitet asnjë i interesuar, apo kur të interesuarit nuk plotësojnë kriteret e caktuara në nenin 14 të këtij ligji, llogaria transferohet drejtpërdrejt në thesarin e shtetit, sipas një rakordimi paraprak, të kryer nëpërmjet bankës së nivelit të dytë dhe Ministrisë së Financave.

KREU III
MBIKËQYRJA E MËNYRËS SË SHPËRNDARJES SË ÇDO DËMSHPËRBLIMI

Neni 17
Mbikëqyrja nga Kuvendi

Kuvendi, me një komision të posaçëm, brenda 3-mujorit të parë të çdo viti, verifikon mënyrën e shpërndarjes së dëmshpërblimit nga Ministria e Financave, në përputhje me kriteret e caktuara në nenin 12 të këtij ligji.

Ministri i Financave vë në dispozicion të Kuvendit, brenda datës 17 janar të çdo viti, dokumentet e vitit pararendës. Komisioni, sipas informacionit të Ministrisë së Financave, i raporton Kuvendit brenda 15 ditëve nga ngritja e tij.

Neni 18
Mbikëqyrja nga Ministria e Financave

Ministria e Financave, në përputhje me legjislacionin bankar në fuqi dhe me këtë ligj, mbikëqyr zbatimin e neneve 14, 15 e 16 të këtij ligji nga bankat e nivelit të dytë, që ofrojnë këtë shërbim, sipas përzgjedhjes.

Brenda datës 27 janar të çdo viti, Ministria e Financave raporton në komisionin e posaçëm të Kuvendit, me shkrim, informacion për shpërndarjen e depozitave dhe ecurinë e këtij procesi gjatë vitit pararendës.

KREU IV
FILLIMI I PROCEDURËS PËR KËRKESËN PËR DËMSHPËRBLIM

Neni 19
Afati i paraqitjes së kërkesës dhe autoriteti

1. Brenda 1 viti nga hyrja në fuqi e këtij ligji, ish të dënuarit politikë, drejtpërdrejt apo nëpërmjet kujdestarit ligjor, si dhe familjarët e viktimave të ekzekutuara, që plotësojnë kriteret e neneve 4 e 5 të këtij ligji, paraqesin në Ministrinë e Drejtësisë kërkesën me shkrim për përfitimin e dëmshpërblimit financiar, për dënimin penal të padrejtë, sipas formularit të paraqitur në aneksin “A”, që i bashkëlidhet këtij ligji.

2. Mosparaqitja e kërkesës brenda afatit 1-vjeçar sjell humbjen e së drejtës së dëmshpërblimit për ish të dënuarin politik apo familjarin e viktimës me dënim kapital. Sipas këtij ligji ish i dënuari politik i regjimit komunist, kujdestari i tij ligjor apo familjari i viktimës së pushkatuar nuk mund të rivendosen në afat, për paraqitjen e kërkesës, kur ka kaluar mbi 1 vit nga hyrja në fuqi e këtij ligji.

Neni 20
Përmbajtja e kërkesës

Kërkesa për dëmshpërblim duhet të përmbajë:

a) të dhëna për përbërësit e gjendjes civile të ish të dënuarit politik, në kohën e dënimit dhe informacion aktual, sipas rastit, nëse janë ndryshuar emri, mbiemri, datëlindja, vendlindja, vendbanimi, seksi, raportet e atësisë e të mëmësisë për të dënuarit me vdekje, burgim, internim ose dëbim. Për të gjitha ndryshimet në përbërës, kërkesës duhet t'i bashkëlidhet edhe akti, që i ka ndryshuar ato;

b) të dhëna për periudhën e ekzekutimit (ditën)/vuajtjen e dënimit/dënimeve, hyrje-daljet nga burgimi, izolimi, internimi apo dëbimi;

c) vendimin e gjykatës, të formës së prerë/aktin e internimit apo aktakuzën për izolim, nëse ka;

ç) dokumentacionin për gjendjen familjare aktuale të ish të dënuarit politik;

d) çdo informacion, që ka ai për gabime ortografike apo materiale të përbërësve të gjendjes civile të tij, në vendim apo aktakuzë, për identifikimin e saktë të tij;

dh) certifikatën e gjendjes civile, që provon të gjithë përbërësit e gjendjes civile dhe një adresë

të saktë, të zgjedhur prej tij për komunikim.

Certifikata duhet të jetë lëshuar jo më vonë se 45 ditë nga dorëzimi i kërkesës.

Për ish të dënuarit, që nuk jetojnë, apo familjarët e viktimave, kërkesa paraqitet nga familjari, sipas rrethit të përcaktuar në këtë ligj.

Neni 21

Mënyra dhe evidentimi i kërkesave

Paraqitja e kërkesës në Ministrinë e Drejtësisë kryhet brenda territorit të vendit, vetëm me anë të Postës Shqiptare sha, nëpërmjet dorëzimit nga kërkuesi të dokumentacionit dhe marrjes së lajmërimit nëpërmjet postës për lajmërim-marrjen nga ministria. Çdo ish i dënuar politik i regjimit komunist, familjar i viktimave të pushkatuara ose familjar brenda rrethit të caktuar në këtë ligj i të dënuarit politik, që jeton ose nuk jeton, dorëzon dokumentet në emër të të dënuarit politik, i deklaron punonjësit të postës qëllimin e dërgesës dhe pajiset prej tij me formularin tip, që i bashkëlidhet këtij ligji, ku shënohen numri i dokumenteve të dorëzuara, data dhe ora e pranimit të kësaj dërgese dhe numri i regjistrimit të saj. Formulari nënshkruhet nga punonjësi i postës dhe dërguesi në tri kopje, për dërguesin, për postën dhe për Ministrinë e Drejtësisë. Posta Shqiptare sha regjistron çdo dërgesë të saj në regjistra të veçantë dhe i ruan ato, sipas legjislacionit në fuqi.

Dokumentacioni i dërguesit, së bashku me kopjen e formularit, për Ministrinë e Drejtësisë, i postohet kësaj të fundit. Një kopje e njoftimit të marrjes së dokumenteve i përcillet dërguesit.

Tarifa e këtij shërbimi postar, e reduktuar, përcaktohet nga Këshilli i Ministrave dhe shërbimi kryhet në të gjitha filialet postare të qyteteve dhe të bashkive të vendit. Për të dënuarit me vendndodhje jashtë vendit, dorëzimi i dokumenteve në Ministrinë e Drejtësisë kryhet drejtpërdrejt, nëpërmjet shërbimit konsullor, sipas së njëjtës procedurë, të përcaktuar në paragrafin e dytë të këtij neni, ku punonjësi konsullor kryen pranimin dhe harton formularin e dorëzimit të dokumentacionit. Kërkesat, nëpërmjet Ministrisë së Punëve të Jashtme, i përcillen Ministrit të Drejtësisë. Tarifa e këtij shërbimi përcaktohet nga Këshilli i Ministrave.

Posta Shqiptare sha dhe shërbimi konsullor, brenda 10 ditëve nga përfundimi i afatit 1-vjeçar, dorëzojnë në Këshillin e Ministrave të dhëna për numrin e dërgesave të kryera. Një kopje e këtij informacioni i përcillet edhe Kontrollit të Lartë të Shtetit. Kur, pas plotësimit të afatit 1-vjeçar, nga hyrja në fuqi e këtij ligji, ka pretendime nga ish të dënuar politikë, familjarë të viktimave të pushkatuara, se kanë dorëzuar dokumentet, por ato nuk gjenden, kanë humbur, kanë të meta të pjesshme etj., mjeti i vetëm provues, që shërben për pranimin e këtij pretendimi, është formulari i trefishtë i dorëzimit në postë apo në shërbimin konsullor. Ministri i Drejtësisë urdhëron ripranimin e dokumenteve, edhe pas plotësimit të afatit 1-vjeçar, sipas këtij ligji, vetëm kur kërkuesi provon se i ka dorëzuar ato në postë apo në shërbimin konsullor.

Neni 22

Evidentimi dhe krijimi i regjistrit elektronik në ministri

Të gjitha kërkesat, të mbërritura nëpërmjet Postës Shqiptare sha apo shërbimit konsullor regjistrohen dhe evidentohen në librat e hyrjes në ministri, në emër të personit të dënuar politik, që aplikon për përfitimin e dëmshpërblimit.

Gjithashtu, Ministria e Drejtësisë, në faqen e vet zyrtare, publikon gjenealitetet e çdo kërkuesi, që aplikon për përfitimin e dëmshpërblimit, sipas këtij ligji. Të dhënat e këtij regjistri përditësohen çdo javë, në mënyrë periodike.

KREU V

PROCEDURA E SHQYRTIMIT TË KËRKESAVE, HETIMI

Neni 23

Fillimi i shqyrtimit të kërkesave

Ministria e Drejtësisë kryen shqyrtimin e çdo kërkesë, të përcjellë nga të ish të dënuarit politikë, nëpërmjet Postës Shqiptare sha dhe Ministrisë së Punëve të Jashtme, sipas nenit 19 të këtij

ligji.

Në përfundim të afatit 1-vjeçar, pasi janë kryer rakordimet përkatëse ndërmjet Postës Shqiptare sha, Ministrisë së Punëve të Jashtme dhe Ministrisë së Drejtësisë, Ministri i Drejtësisë raporton pranë Këshillit të Ministrave dhe Kuvendit numrin e kërkesave totale të paraqitura për dëmshpërblim, sipas këtij ligji dhe diferencat, kur ka të tilla.

Neni 24

Veprimet paraprake

Ministria e Drejtësisë, pas regjistrimit të kërkesës, hap dosjen individuale dhe brenda 10 ditëve vepron si më poshtë:

a) kur nga shqyrtimi paraprak vëren se kërkesa nuk shoqërohet me dokument provues, e njofton kërkuesin për të plotësuar dokumentet brenda një afati 30-ditor, duke i dhënë informacion për zyrën shtetërore se ku mund t'i gjejë këto dokumente;

b) kur nga shqyrtimi paraprak provon se i dënuari politik nuk është gjallë dhe kërkesa nuk kryhet nga rrethi i familjarëve, të përcaktuar në këtë ligj, i dërgon njoftim negativ dërguesit në adresën e tij. I njëjti veprim kryhet edhe për familjarët e viktimave të pushkatuara, kur provohet se familjarët brenda rrethit të caktuar në këtë ligj nuk jetojnë më;

c) kur nga shqyrtimi paraprak provon se lloji i dënimit nuk përbën shkak për përfitimin e dëmshpërblimit, sipas këtij ligji, dërgon njoftim negativ në adresën e dërguesit;

ç) shqyrton në themel të gjitha kërkesat e tjera, që plotësojnë kriteret formale të këtij ligji.

Veprimet administrative, të përmendura në shkronjat “a”, “b”, “c” dhe “ç” të këtij neni, evidentohen me shkrim dhe i njoftohen menjëherë kërkuesit ose dërguesit, duke argumentuar shkakun ligjor përkatës. Një kopje e njoftimit, sipas rastit, administrohet në dosjen individuale përkatëse. Ministria e Drejtësisë, për të gjitha njoftimet lajmëron kërkuesin edhe për adresën zyrtare, ku duhet të dërgojë dokumentet me postë apo nëpërmjet shërbimit konsullor. Në të gjitha rastet kërkuesit kanë të drejtë të ofrojnë e të sjellin prova, për të kundërshtuar njoftimin negativ. Korrespondenca, në këtë rast, do të jetë e njëjtë, si në rastin e dërgimit të kërkesës me postë.

Në faqen zyrtare të Ministrisë së Drejtësisë evidentohen çdo javë kalendarike veprimet paraprake për çdo kërkesë të regjistruar.

Kur, brenda një afati 60-ditor nga marrja e njoftimit negativ, në adresën e Ministrisë së Drejtësisë nga kërkuesi nuk paraqitet asnjë pretendim për çështjen apo pretendimi nuk provohet, Ministri i Drejtësisë urdhëron mosmiratimin e kërkesës. Urdhri shoqërohet me relacionin përkatës.

Neni 25

Mënyra e shqyrtimit të kërkesave

Shqyrtimi i kërkesave për përfitimin e dëmshpërblimit, sipas nenit 28 të këtij ligji, kryhet nëpërmjet shqyrtimit të drejtpërdrejtë dhe të bashkërenduar. Ministri i Drejtësisë vendos pranimin e një kërkesë vetëm kur, nga shqyrtimi i drejtpërdrejtë dhe i bashkërenduar, kërkesa plotëson të gjitha kriteret e përcaktuara në nenin 4 të këtij ligji.

Neni 26

Shqyrtimi i drejtpërdrejtë

Shqyrtimi i drejtpërdrejtë është faza e parë e hetimit, i cili kryhet në sektorin e gjendjes gjyqësore në Ministrinë e Drejtësisë (skedarët e përgjithshëm dhe ato të posaçëm, për të përndjekurit politikë të regjimit komunist) dhe, sipas rastit, në arkivin e Drejtorisë së Përgjithshme të Burgjeve.

Çdo kërkesë i nënshtrohet këtij shqyrtimi, pavarësisht informacionit provues, që i bashkëlidhet dosjes. Kopja e ekstrakteve të arkivit printohet, nënshkruhet nga punonjësi, që përpunoi informacionin dhe i bashkëlidhet dosjes së kërkuesit. Informacioni, për çdo kërkesë, kërkohet në të gjitha variantet emër, mbiemër, viti i lindjes, lloji i veprës penale etj., përfshi edhe indicjet për gabime të mundshme, ortografike dhe materiale, të dhëna nga vetë kërkuesi, për gjenealitetet e tij. Pas verifikimit të drejtpërdrejtë të informacionit, punonjësi vepron si më poshtë:

a) kur provohet se kërkuesi ka kryer vetëm dënim penal politik, ai evidenton, në një formular

të posaçëm, llojin dhe, sipas rastit, kohën e vuajtjes së dënimit, gjithsej, të cilin ia bashkëlidh dosjes. Dosja i përcillet për shqyrtim të bashkërenduar organeve të tjera shtetërore, për të parë nëse çështjet janë në përputhje me kriteret e përcaktuara në shkronjën “d” të nenit 4 të këtij ligji;

b) kur provohet se kërkuesi, gjatë të njëjtut gjykim apo gjatë gjykimeve të tjera, është dënuar për një ose më shumë vepra penale, politike dhe jopolitike, ai evidenton llojin dhe, sipas rastit, kohën e saktë të vuajtjes së dënimit, gjithsej, politik dhe jopolitik, në një formular të veçantë, që i bashkëlidhet dosjes. Në vijim dosja u përcillet për shqyrtim të bashkërenduar organeve të tjera shtetërore, për të parë nëse çështjet janë sipas kriterëve të përcaktuara në shkronjën “d” të nenit 4 të këtij ligji;

c) kur provohet se kërkuesi, sipas vendimit gjyqësor të formës së prerë, ka kryer veprime me pasojë për jetën e shtetasve të tjerë, i propozon ministrit ta klasifikojë kërkesën si të pabazuar në këtë ligj;

ç) kur provohet se kërkuesi ka kryer vetëm dënime jopolitike, i propozon ministrit ta klasifikojë atë si të pabazuar në këtë ligj;

d) kur provohet se Ministria e Drejtësisë nuk ka të dhëna për kërkuesin, kërkesa i përcillet Ministrisë së Brendshme, Ministrisë së Mbrojtjes, Shërbimit Informativ të Shtetit dhe Drejtorisë së Përgjithshme të Arkivave të Shtetit për verifikim të drejtpërdrejtë në burimet e tyre arkivore të periudhës 30.11.1944 - 1.10.1991. Autoritetet përgjegjëse, brenda 30 ditëve, verifikojnë kërkesën dhe dërgojnë informacion në Ministrinë e Drejtësisë edhe për çështje të përmendura në shkronjën “d” të nenit 4 të këtij ligji. Brenda 5 ditëve, Ministria e Drejtësisë e kualifikon kërkesën:

i) në njërën ndër veprimet e përcaktuara në shkronjat “a” deri në “ç” të këtij neni;

ii) në rubrikën “Të dhëna për kërkuesin nuk ka”.

Kur kërkesa kualifikohet sipas nënndarjes “ii” të shkronjës “d” të këtij neni, punonjësi i propozon ministrit ta klasifikojë si të pabazuar në këtë ligj, për mungesë provash.

Në kuptim të këtij neni, shprehja kërkues i referohet subjektit, që ka kryer dënim politik me burgim, internim, dënim apo është ekzekutuar.

Neni 27

Shqyrtimi i bashkërenduar

Shqyrtimi i bashkërenduar është faza e dytë e hetimit, të cilit i nënshtrohen kërkesat që rezultojnë dënime politike, në kuptim të këtij ligji. Ministria e Brendshme, Ministria e Mbrojtjes, Shërbimi Informativ i Shtetit dhe Drejtoria e Përgjithshme e Arkivave të Shtetit, brenda afatit 30-ditor, shqyrtojnë kërkesat dhe, me njoftim individual, shprehet secili, nëse i dënuari politik plotëson kriteret e përcaktuara në shkronjën “d” të nenit 4 të këtij ligji. Informacionet e bashkërenduara depozitohen në dosje. Punonjësi përgjegjës, në përputhje me nenin 28 të këtij ligji, përgatit relacionin, të cilin ia paraqet Ministrit të Drejtësisë.

Neni 28

Zhvillimi i hetimit

Struktura përgjegjëse në ministri, brenda 35 ditëve, shqyrton në themel të gjitha kërkesat që, pas shqyrtimit paraprak, janë kualifikuar se plotësojnë kërkesat sipas shkronjës “ç” të nenit 24 të këtij ligji.

Brenda afatit të përcaktuar në paragrafin e parë të këtij neni, struktura përgjegjëse në ministri verifikon dokumentacionin, sipas neneve 3 e 5 të këtij ligji, harton relacionin përkatës dhe i propozon ministrit pranimin e kërkesës, si të bazuar në ligj ose mospranimin e saj.

Kur propozohet pranimi i kërkesës, akti i propozimit, i nënshkruar nga punonjësi përgjegjës, përmban edhe periudhën e saktë, në ditë, muaj dhe vite të dënimit të kryer, si dhe masën në lekë të dëmshpërblimit, që do t'i jepet, sipas ligjit.

Ministri i Drejtësisë, në mbështetje të propozimit të strukturës përgjegjëse, urdhëron pranimin apo refuzimin e saj, kur kërkesa nuk mbështetet në ligj. Aktet nënligjore të Ministrit të Drejtësisë shpallen edhe në faqen zyrtare të ministrisë.

Neni 29
Miratimi i kërkesës

Ministri i Drejtësisë, sipas dispozitave të këtij ligji, vendos miratimin apo refuzimin e kërkesës, i cili është i formës së prerë.

Brenda 10 ditëve, Ministri i Drejtësisë paraqet për miratim në Këshillin e Ministrave propozimet për përfitimin e dëmshpërblimit, sipas këtij ligji, të cilave u bashkëlidhen relacionet përkatëse.

KREU VI
TRANSPARENCA E PROCESIT

Neni 30
Mbikëqyrja nga grupimet e interesit

Grupimet joqeveritare të ish të dënuarve politikë kanë të drejtë të paraqesin pretendime konkrete, për çështje të moszbatimit të këtij ligji, apo të denoncojnë raste përfitimesh pa të drejtë.

Brenda 10 ditëve, Ministri i Drejtësisë shqyrton çështjen dhe vë në dijeni grupimin joqeveritar, Këshillin e Ministrave dhe komisionin përgjegjës për çështje të të drejtave të njeriut në Kuvend, për çdo pretendim të paraqitur sipas paragrafit të parë të këtij neni.

Raporti me shkrim i Ministrit të Drejtësisë shoqërohet me kopje të dokumentacionit provues.

Neni 31
Denoncimi i fakteve të pavërteta

Çdo qytetar, në mënyrë individuale apo në grup, ka të drejtë të denoncojë të dhëna të rreme, të cilat ndikojnë drejtpërdrejt në ecurinë e procesit të përfitimit të dëmshpërblimit të ish të dënuarve politikë të regjimit komunist.

Ministri i Drejtësisë shqyrton çdo denoncim të rastit. Përgjigjja e verifikimit bëhet publike në faqen zyrtare të ministrisë, edhe nëse hartuesi i saj është anonim.

KREU VII
DISPOZITA KALIMTARE DHE TË FUNDIT

Neni 32
Fondet për zbatimin e këtij ligji

Në ligjin e buxhetit planifikohen fondet vjetore për zbatimin e këtij ligji. Këshilli i Ministrave, brenda 15 muajve nga hyrja në fuqi e këtij ligji, saktëson faturën financiare të dëmshpërblimit dhe i propozon Kuvendit skemën 8-vjeçare të shpërndarjes së fondeve.

Neni 33
Përzgjedhja e bankës së nivelit të dytë

Ministri i Financave, në bazë të fondit buxhetor të planifikuar, organizon, brenda 3-mujorit të fundit të çdo viti, procedurën e përzgjedhjes së bankës/bankave të nivelit të dytë, të cilat do të realizojnë shërbimin e shpërndarjes së depozitave për dëmshpërblimet që do të shpërndahen në vitin në vijim. Fitues është subjekti bankar, që ofron shërbimin më të mirë, sipas kushteve të përcaktuara nga Ministri i Financave.

Neni 34
Aktet nënligjore

Ngarkohet Këshilli i Ministrave që, brenda 10 ditëve nga hyrja në fuqi e ligjit, të nxjerrë aktet

nënligjore në zbatim të dispozitave të këtij ligji.

Neni 35
Hyrja në fuqi

Ky ligj hyn në fuqi 15 ditë pas botimit në Fletoren Zyrtare.

Shpallur me dekretin nr.5527, datë 30.11.2007 të Presidentit të Republikës së Shqipërisë,
Bamir Topi

Shtojca A”

Formula e përlogaritjes së periudhës së vuajtjes së dënimit politike të padrejtë, në kuptim të paragrafit të fundit të nenit 5 do të jetë, si vijon:

$$\Delta = (A/\Sigma) \times Y$$

“ Δ ” → periudha e vuajtjes së dënimit politikë, gjithësej në ditë. Ku një vit, është i barabartë me 365 ditë ndërsa një muaj është i barabartë me 31 ditë.

“**A**” → në kuptim të këtij ligji, është masa e dënimeve të dhëna, për një ose disa nga vepra penale politike sipas nenit 5, të këtij ligji e llogaritur në ditë, sipas përcaktimit të vendimit gjyqësor.

“ Σ ” → në kuptim të këtij ligji, është masa e dënimeve gjithësej e llogaritur në ditë, sipas përcaktimit të vendimit gjyqësor.

“**Y**” në kuptim të këtij ligji është koha reale e vuajtjes së dënimit, e cila përfshin edhe periudhën e hetuesisë e për shkak të këtij vendimi gjyqësor. Një vit është i barabartë me 365 ditë. Një muaj është i barabartë me 31 ditë

Shëmbulli I:

Personi A. B. është arrestuar me vitin 1962, dhe dënuar në vitin 1963, sipas vendimit të gjykatës të formës së prerë, për:

1. Agjitacion propagandë sipas nenit 73 të Kodit Penal me 7 vjet heqje lirie, po me të njëjtin vendim është dënuar, sipas nenit 199 Kodit Penal për Shpërdorim detyre, me 3 vjet heqje lirie, dhe sipas nenit ____ të Kodit Penal, për figurën e veprës penale të “Përvetësimit të pasurisë të tjetrit”, me 3 vjet heqje lirie të tjerë.” Përfundimisht gjykata sipas nenit 48 të Kodit Penal (bashkim dënimesh) ka vendosur dënim gjithësej 10 vjet burg. Nga evidenca e Ministrisë së Drejtësisë, rezulton se personi ka vuajtur izolim dhe burgim gjithësej 9 vjet dhe 1 muaj.

Për efekt të këtij ligji, përlogaritja e dënimit penal të padrejtë do të kryhet si vijon:

“ Δ ” periudha e vuajtjes së dënimit politike për efekt të këtij ligji gjithësej

$$\Delta = (A/\Sigma) \times Y \text{ ku}$$

$$A \rightarrow 7 \text{ vjet : } (7 \times 365): \Sigma \rightarrow 13 \text{ muaj; } (7 + 3 + 3) \times 365 ; Y \rightarrow 9 \text{ vjet e } 1 \text{ muaj: } (9 \times 365) + 31$$

$$\Delta = (A/\Sigma) \times Y$$

$$\Delta = (7 \times 365 / 13 \times 365) / \times (9 \times 365) + 31$$

$$\Delta = 1785 \text{ ditë}$$

Sipas këtij ligji dëmshpërblimi do të përlogaritet 1785 ditë X 2000

lekë. Shëmbulli II:

Personi C.D. është arrestuar në vitin 1971, dhe shpallur fajtor në vitin 1972, sipas vendimit të gjykatës të formës së prerë, për:

“Shpërdorim detyrë”, sipas nenit 199 Kodit Penal dhe dënuar me 4.5 vjet heqje lirie.

Në vitin 1973 ndërsa po vuante dënimin, për vendimin gjyqësor të vitit 1972, me vendim penal të formës së prerë, gjykata e ka shpallur fajtor shtetasin C.D, për veprën penale të Agjitacion propagandës”, sipas nenit 73 të Kodit Penal dhe dënuar me 7, vjet heqje lirie. Sipas të njëjtit vendim në bashkim të dënimeve, të vendimit të vitit 1972, (nenit 48 të KP), gjykata ka vendosur dënimin e tij me 9 vjet burgim gjithësej. Nga evidenca e Ministrisë së Drejtësisë, rezulton se personi ka vuajtur izolim dhe burgim gjithësej 8 vjet dhe 6 muaj.

Për efekt të këtij ligji, përlogaritja e dënimit penal të padrejtë do të kryhet si vijon:

“Δ” periudha e vuajtjes së dënimit politike për efekt të këtij ligji gjithësej

$$\Delta = (A/\Sigma) \times Y \text{ ku}$$

$$A \rightarrow 7 \text{ vjet: } (7 \times 365):$$

$$\Sigma \rightarrow 11 \text{ vjet e } 6 \text{ muaj; } \{(7 + 4) \times 365 + (6 \times 31)\};$$

$$Y \rightarrow 8 \text{ vjet e } 6 \text{ muaj } (8 \times 365) + 186$$

$$\Delta = (A/\Sigma) \times Y$$

$$\Delta = (7 \times 365 / (11 \times 365) + 186) / \times (8 \times 365) + 186$$

$$\Delta = 1889 \text{ ditë}$$

Sipas këtij ligji dëmshpërblimi do të përlogaritet 1889 X 2000 lekë.

FORMULARI**NR. REGJISTRI _____ kopje 3:**

Posta Shqiptare; Filiali _____ : Dërguesi: _____ : Adresa e dërguesit: _____

Data e pranimit: ____ / ____ / ____ ora ____ : _____

Identiteti i punonjësit të postës _____ : _____

Nënshkrimi _____

Nënshkrimi _____

MARRËSI: MINISTRIA E DREJTËSISË

Dokumentacion i dorëzuar:

☐ Certifikatë e gjendjes civile të personit: nr.fletëve _____ , në shqip ☐ shoqëruar me përkthim ☐
Shteti i lëshimit _____, komuna/bashkia _____, nr. regjistri _____, datë lëshimi _____

:

☐ Certifikatë familjare e personit: nr.fletëve _____ , në shqip ☐ shoqëruar me përkthim ☐
Shteti i lëshimit _____, komuna/bashkia _____, nr. regjistri _____, datë lëshimi _____

:

☐ Dokumentacion që evidenton ndryshimet në përbërësit e gjendjes civile, në shqip ☐ shoqëruar me përkthim ☐
Shteti i lëshimit _____, komuna/ bashkia _____, nr. regjistri _____, datë lëshimi _____:

☐ Dokumentacion që evidenton gjendjen familjare të ish të dënuarit nr.fletëve _____, në shqip ☐ shoqëruar me përkthim ☐

☐ Dokumentacion _____

tjetër:

Plotësoni aktin/aktet mbi bazën e të cilit/cilave jeni dënuar:

- | | |
|--|---|
| ☐ vendimi gjykatë / këshilli i formës së prerë për dënimin: | nr. regjistri _____, datë _____, nr.fletëve _____ , |
| ☐ vendimi gjykatë / këshilli i formës së prerë për dënimin: | nr. regjistri _____, datë _____, nr.fletëve _____ , |
| ☐ vendimi gjykatë / këshilli i formës së prerë për dënimin: | nr. regjistri _____, datë _____, nr.fletëve _____ , |
| ☐ vendimi gjykatë / këshilli i formës së prerë për dënimin: | nr. regjistri _____, datë _____, nr.fletëve _____ , |
| ☐ vendimi gjykatë / këshilli i formës së prerë për dënimin: | nr. regjistri _____, datë _____, nr.fletëve _____ , |
| ☐ vendimi gjykatë / këshilli i formës së prerë për dënimin: | nr. regjistri _____, datë _____, nr.fletëve _____ , |

- | | |
|---|---|
| ☐ akt internimi/dëbimi: | nr. _____, datë _____, nr.fletëve _____ , |
| ☐ akt internimi /dëbimi: | nr. _____, datë _____, nr.fletëve _____ , |
| ☐ akt internimi/dëbimi: | nr. _____, datë _____, nr.fletëve _____ , |
| ☐ akt internimi/dëbimi: | nr. _____, datë _____, nr.fletëve _____ , |

- | | |
|-------------------------------------|---|
| ☐ akt akuzë: | nr. _____, datë _____, nr.fletëve _____ , |
| ☐ akt akuzë: | nr. _____, datë _____, nr.fletëve _____ , |

Bashkëlidhet lajmërim marrja

FORMULARI

NR. REGJISTRI _____ kopje 3:

Shërbimi Konsullor _____

Data e pranimit: ____ / ____ / ____ ora ____

Punonjësi Konsullor _____

Nënshkrimi

Dërguesi: _____ :

_____ :

_____ :

Nënshkrimi

Adresa e dërguesit: _____

_____ :

_____ :

MARRËSI: MINISTRIA E DREJTËSISË

Dokumentacion i dorëzuar:

☐ Certifikatë e gjendjes civile të personit: nr.fletëve _____ , në shqip ☐ shoqëruar me përkthim ☐
Shteti i lëshimit _____ , komuna/bashkia _____ , nr. regjistri _____ , datë lëshimi _____

:

☐ Certifikatë familjare e personit: nr.fletëve _____ , në shqip ☐ shoqëruar me përkthim ☐
Shteti i lëshimit _____ , komuna/bashkia _____ , nr. regjistri _____ , datë lëshimi _____

:

☐ Dokumentacion që evidenton ndryshimet në përbërësit e gjendjes civile, në shqip ☐ shoqëruar me përkthim ☐
Shteti i lëshimit _____ , komuna/ bashkia _____ , nr. regjistri _____ , datë lëshimi _____ :

☐ Dokumentacion që evidenton gjendjen familjare të ish të dënuarit nr.fletëve _____ , në shqip ☐ shoqëruar me përkthim ☐

☐ Dokumentacion _____

tjetër:

Plotësoni aktin/aktet mbi bazën e të cilit/cilave jeni dënuar:

- ☐ vendimi gjykate / këshilli i formës së prerë për dënimin: nr. regjistri _____, datë _____, nr.fletëve _____ ,
- ☐ vendimi gjykate / këshilli i formës së prerë për dënimin: nr. regjistri _____, datë _____, nr.fletëve _____ ,
- ☐ vendimi gjykate / këshilli i formës së prerë për dënimin: nr. regjistri _____, datë _____, nr.fletëve _____ ,
- ☐ vendimi gjykate / këshilli i formës së prerë për dënimin: nr. regjistri _____, datë _____, nr.fletëve _____ ,
- ☐ vendimi gjykate / këshilli i formës së prerë për dënimin: nr. regjistri _____, datë _____, nr.fletëve _____ ,
- ☐ vendimi gjykate / këshilli i formës së prerë për dënimin: nr. regjistri _____, datë _____, nr.fletëve _____ ,


- ☐ akt internimi/dëbimi: nr. _____, datë _____, nr.fletëve _____ ,
- ☐ akt internimi/ dëbimi: nr. _____, datë _____, nr.fletëve _____ ,
- ☐ akt internimi/ dëbimi: nr. _____, datë _____, nr.fletëve _____ ,
- ☐ akt internimi /dëbimi: nr. _____, datë _____, nr.fletëve _____ ,

- ☐ akt akuzë: nr. _____, datë _____, nr.fletëve _____ ,
- ☐ akt akuzë: nr. _____, datë _____, nr.fletëve _____ ,

Bashkëlidhet lajmërim marrja

Formular aplikimi për dëshmëpërblimin e ish të dënuarve politikë të regjimit komunist. I vlefshëm brenda datës: (1 vit nga data e hyrjes në fuqi të ligjit)

K Ë R K E S Ë
foto



Seksioni I:

Të dhëna të sakta për identitetin e ish të dënuarit. (bashkëlidhni kopje të certifikatës personale, certifikatës familjare)

a) Identiteti i saktë zyrtar në kohën e dënimit,

1. Emër: _____
2. Mbiemër: _____
3. Atësi: _____
4. Mëmësi: _____
5. Seksi: ☐ F / M ☐
6. Datëlindja: _____
(dita /muaji / viti)
7. Vendlindja: _____
Fshati / komuna / rrethi
8. Vendbanimi : _____
Fshati / komuna / rrethi (ditën e dënimit)

b) Informacion për gabime ortografike apo materiale në përbërësit e gjendjes civile në vendim apo aktakuzë;

1. Emër: _____
2. Mbiemër: _____
3. Atësi: _____
4. Mëmësi: _____
5. Seksi: ☐ F / M ☐
6. Datëlindja: _____
(dita /muaji / viti)
7. Vendlindja: _____
Fshati / komuna / rrethi
8. Vendbanimi: _____
Fshati / komuna / rrethi (ditën e dënimit)

Nënshkruaj me shkrim dore çdo fletë të këtij formulari

Formular aplikimi për dëshmëpërblimin e ish të dënuarve politikë të regjimit komunist. I

vlefshëm brenda datës: (1 vit nga data e hyrjes në fuqi të ligjit).

c) Ndryshime të mëvonshme në përbërësit e gjendjes civile të mësipërm nëse ka. (Bashkëlidhni kopje origjinale ose të njësuar të aktit që bën ndryshimin).

ç) Të dhëna të tjera: (plotësohen vetëm për ish të dënuarit që jetojnë, bashkëlidhni certifikatën familjare)

1. Vendbanimi aktual: _____
2. Statusi aktual: _____
3. Fëmijë: _____
4. Nëse nuk keni plotësuar moshën e pensionit jeni të punësuar;

☐ PO / JO ☐

d) Të dhëna të tjera (plotësohen vetëm kur ish i dënuari politik është ekzekutuar/ është ndarë nga jeta dhe familjarë të gjallë të tij janë, bashkëlidhni dokumentacionin):

Paraardhësit: ☐ PO / JO ☐
Bashkëshorti/bashkëshortja: ☐ PO / JO ☐
Fëmija/ fëmijët: ☐ PO / JO ☐

KUJTESË: Familjarët në shkallë më të parë sipas Kodit Civil përjashtojnë familjarët e tjerë. Lutemi caktoni detajet sipas gjendjes familjare.

Të parët: (plotësoni emër, mbiemër, datëlindje dhe lidhja me ish të dënuarit)

Nënshkruaj me shkrim dore çdo fletë të këtij formulari

Formular aplikimi për dëshmëpërblimin e ish të dënuarve politikë të regjimit komunist. I vlefshëm brenda datës: (1 vit nga data e hyrjes në fuqi të ligjit).

dh) Adresa për komunikim:

Shteti: _____
Komuna/Bashkia/Qyteti: _____
Rruga: _____
Pallati/nr. i Shtëpisë: _____
Apartamenti: _____
Ose Kutia Postare: _____

IDENTITETI I APLIKUESIT KUR ËSHTË I NDRYSHËM NGA ISH I DËNUARI

SEKSIONI II. TË DHËNA PËR DËNIMIN:

Lloji i dënimit të kryer: Plotëso me kryq kutinë nëse jeni dënuar me më shumë se një lloj dënimi, evidentojini të gjitha ato. Bashkëlidh dokumentacion.

Dënim kapital: ☐ koha kur ____/____/____
(dita/muaji/viti)

Burgim/heqje lirie: ☐

Izolim në hetuesi: ☐

Internim me tela me gjemba deri më 1954: ☐

Internim/Dëbim: ☐

Izolim në institucion mjekësor: ☐

Kryer më shumë se një dënim të të njëjtit lloj:

☐ PO / JO ☐

Nëse po gjatë dënimit kryer dënim tjetër në kohën e vuajtjes së dënimit;

☐ PO / JO ☐

Nënshkruaj me shkrim dore çdo fletë të këtij formulari.

Formular aplikimi për dëshmperblimin e ish të dënuarve politikë të regjimit komunist. I vlefshëm brenda datës: (1 vit nga data e hyrjes në fuqi të ligjit)

Përcakto periudhën/periudhat e kryerjes së dënimit:

BURGIM / HEQJE LIRIE:

VENDI:

hyrje ____/____/____ dalje / transferuar ____/____/____
(ditë/muaj/vit) (ditë/muaj/vit)

VENDI:

hyrje ____/____/____ dalje / transferuar ____/____/____
(ditë/muaj/vit) (ditë/muaj/vit)

VENDI:

hyrje ____/____/____ dalje / transferuar ____/____/____
(ditë/muaj/vit) (ditë/muaj/vit)

VENDI:

hyrje ____/____/____ dalje / transferuar ____/____/____
(ditë/muaj/vit) (ditë/muaj/vit)

VENDI:

hyrje ____/____/____ dalje / transferuar ____/____/____
(ditë/muaj/vit) (ditë/muaj/vit)

VENDI:

hyrje ____/____/____ dalje / transferuar ____/____/____
(ditë/muaj/vit) (ditë/muaj/vit)

VENDI:	_____
hyrje	____/____/____ dalje / transferuar ____/____/____
	(ditë/muaj/vit) (ditë/muaj/vit)

Nënshkruaj me shkrim dore çdo fletë të këtij formulari

Formular aplikimi për dëshmëpërblimin e ish të dënuarve politikë të regjimit komunist. I vlefshëm brenda datës: (1 vit nga data e hyrjes në fuqi të ligjit)

IZOLIM NË HETUESI:

VENDI:	_____
hyrje	____/____/____ dalje / transferuar ____/____/____
	(ditë/muaj/vit) (ditë/muaj/vit)
VENDI:	_____
hyrje	____/____/____ dalje / transferuar ____/____/____
	(ditë/muaj/vit) (ditë/muaj/vit)
VENDI:	_____
hyrje	____/____/____ dalje / transferuar ____/____/____
	(ditë/muaj/vit) (ditë/muaj/vit)
VENDI:	_____
hyrje	____/____/____ dalje / transferuar ____/____/____
	(ditë/muaj/vit) (ditë/muaj/vit)
VENDI:	_____
hyrje	____/____/____ dalje / transferuar ____/____/____
	(ditë/muaj/vit) (ditë/muaj/vit)

INTERNIM ME TELA ME GJEMBA DERI MË 1954:

VENDI:	_____
hyrje	____/____/____ dalje / transferuar ____/____/____
	(ditë/muaj/vit) (ditë/muaj/vit)
VENDI:	_____
hyrje	____/____/____ dalje / transferuar ____/____/____
	(ditë/muaj/vit) (ditë/muaj/vit)

Nënshkruaj me shkrim dore çdo fletë të këtij formulari

Formular aplikimi për dëshmëpërblimin e ish të dënuarve politikë të regjimit komunist. I vlefshëm brenda datës: (1 vit nga data e hyrjes në fuqi të ligjit)

VENDI:	_____	_____
	hyrje _____ dalje / transferuar _____	
	(ditë/muaj/vit)	(ditë/muaj/vit)
VENDI:	_____	_____
	hyrje _____ dalje / transferuar _____	
	(ditë/muaj/vit)	(ditë/muaj/vit)
VENDI:	_____	_____
	hyrje _____ dalje / transferuar _____	
	(ditë/muaj/vit)	(ditë/muaj/vit)

INTERNIM/DËBIM

VENDI:	_____	_____
	hyrje _____ dalje / transferuar _____	
	(ditë/muaj/vit)	(ditë/muaj/vit)
VENDI:	_____	_____
	hyrje _____ dalje / transferuar _____	
	(ditë/muaj/vit)	(ditë/muaj/vit)
VENDI:	_____	_____
	hyrje _____ dalje / transferuar _____	
	(ditë/muaj/vit)	(ditë/muaj/vit)
VENDI:	_____	_____
	hyrje _____ dalje / transferuar _____	
	(ditë/muaj/vit)	(ditë/muaj/vit)
VENDI:	_____	_____
	hyrje _____ dalje / transferuar _____	
	(dita/muaj/vit)	(dita/muaj/vit)

Nënshkruaj me shkrim dore çdo fletë të këtij formulari

Formular aplikimi për dëmshtëpërlimin e ish të dënuarve politikë të regjimit komunist. I vlefshëm brenda datës: (1 vit nga data e hyrjes në fuqi të ligjit)

IZOLIM NË INSTITUCION MJEKËSOR:

VENDI:	_____	_____
	hyrje _____ dalje / transferuar _____	
	(ditë/muaj/vit)	(ditë/muaj/vit)
VENDI:	_____	_____

**MBI TRAJTIMIN E DËMEVE TË MBULUARA NGA KONTRATA E SIGURIMIT TË
DETYRUESHËM TË MBAJTËSVE TË MJETEVE MOTORIKE PËR PËRGJEGJËSINË**

NDAJ PALËVE TË TRETA

Në mbështetje të nenit 102, pika 4 të Kushtetutës dhe nenit 16 të dekretit nr.295, datë 15.9.1992 “Për sigurimin e detyrueshëm të mbajtësve të mjeteve motorike për përgjegjësitë ndaj palëve të treta”, të miratuar me ndryshime me ligjin nr.7641, datë 1.12.1992, Ministri i Financave,

UDHËZON:

KREU I

1. Dispozita të përgjithshme
 - a) Personi të cilit i është shkaktuar një dëm brenda territorit të Republikës së Shqipërisë, nga përdorimi i një mjeti motorik, ka të drejtë të kërkojë shpërblimin e dëmit që sipas rastit përbëhet nga:
 1. Dëm pasuror i ndarë në:
 - dëm shëndetësor;
 - dëm material.
 2. Dëm jopasuror
 - b) Kërkesa për dëmshpërblim e palës së dëmtuar, sipas pikës 1, trajtohet sipas kriterëve të këtij udhëzimi në vijim.
 - c) Shoqëria e sigurimit detyrohet t’i njoftojë palës së dëmtuar, të drejtat dhe detyrimet e saj në lidhje me trajtimin e dëmit.
2. Asistenca ndaj policëmbajtësit
 - a) Në momentin e nënshkrimit të kontratës së sigurimit brenda territorit të Republikës së Shqipërisë, shoqëria e sigurimit e pajis policëmbajtësin me një fletëpalosje që përmban:
 - veprimet e para në momentin e përfshirjes në aksident;
 - dokumentacionin e nevojshëm që do të shoqërojë kërkesën për dëmshpërblim;
 - numrat e telefonit, ku mund të drejtohet për asistencë të specializuar;
 - afatin e depozitimit të kërkesës;
 - informacione të tjera shtesë.

Në të kundërt të gjitha të dhënat që përmban fletëpalosja duhet të jenë të përfshira në pjesën e prapme të policës së sigurimit.
- b) Një kopje e fletëpalosjes sipas përcaktimeve të germës “a” duhet të depozitohet pranë Autoritetit të Mbikëqyrjes Financiare.
3. Paraqitja e kërkesës për dëmshpërblim
 - a) Kërkesa për dëmshpërblim është formular standard i shoqërisë së sigurimit që i jepet palës së dëmtuar për ta plotësuar në rast dëmi.
 - b) Pala e dëmtuar paraqet kërkesën për dëmshpërblim në shoqërinë e sigurimit, ku është siguruar shkaktari i dëmit.
 - c) Kërkesa për dëmshpërblim duhet të bëhet me shkrim dhe të protokollohet në një regjistër të veçantë të shoqërisë së sigurimit.
 - d) Paraqitja e kërkesës për dëmshpërblim bëhet brenda afateve të parashkrimit të përcaktuara në Kodin Civil.
 - e) Në rast se mjeti shkaktar i aksidentit është i pasiguruar apo i paidentifikuar, pala e dëmtuar ka të drejtë ta paraqesë kërkesën për dëmshpërblim në një nga shoqëritë e sigurimit të autorizuara si trajtues dëmesh në përputhje me kuadrin ligjor në fuqi.
 - f) Pala e dëmtuar nuk është e detyruar ta përsërisë kërkesën për dëmshpërblim në rast se identifikohet shoqëria e sigurimit të mjetit shkaktar të aksidentit. Në këtë rast, shoqëria që disponon kërkesën për dëmshpërblim e dërgon atë te shoqëria e sigurimit të mjetit shkaktar të dëmit. Kjo e fundit njofton palën e tretë për marrjen e kërkesës për dëmshpërblim.
4. Marrja në dorëzim e kërkesës për dëmshpërblim
 - a) Shoqëria e sigurimit, pasi bën protokollimin e kërkesës për dëmshpërblim nga pala e dëmtuar, e pajis atë me një formular që përmban udhëzimet, instruksionet dhe listën e dokumenteve të nevojshme për plotësimin e praktikës së dëmit.
 - b) Shoqëria e sigurimit duhet të jetë sa më e disponueshme kundrejt palës së dëmtuar.
 - c) Pala e dëmtuar duhet të bashkëpunojë me shoqërinë e sigurimit në dhënien e

informacioneve apo dokumenteve të nevojshme që kanë të bëjnë me aksidentin.

5. Hapja e praktikës së dëmit

a) Shoqëria e sigurimit hap praktikën e dëmit menjëherë pas marrjes së kërkesës për dëmshpërblim me shkrim nga pala e dëmtuar.

b) Shoqëria e sigurimit hap praktikë të veçantë të dëmit për çdo person, mjet apo pronë të dëmtuar në një aksident. Në këtë rast, shoqëria e sigurimit detyrohet të shprehet mbi trajtimin përfundimtar të çdo praktike të dëmit duke gjykuar mbi ngjarjen në përgjithësi.

c) Hapja e praktikës së dëmit protokollohet në regjistër të veçantë ditën paraqitjes së kërkesës për dëmshpërblim. Në momentin e hapjes, praktika e dëmit përmban:

- elementet e identifikimit të praktikës (numri i praktikës/kodi i degës ku hapet praktika, data e hapjes së praktikës, data dhe vendi i aksidentit);

- elementet e identifikimit të palës së dëmtuar (emri, mbiemri, adresa, numri i telefonit/të dhënat e mjetit të dëmtuar përfshirë policën e sigurimit/të dhëna identifikuese të pronës së dëmtuar);

- elementet e identifikimit të shkaktarit të dëmit (emri, mbiemri, adresa, nr i telefonit/elementet e policës së sigurimit përfshirë një kopje të saj.

6. Refuzimi i dëmit nga shoqëria e sigurimit

Nëse dëmi refuzohet, shoqëria e sigurimit njofton me shkrim palën e dëmtuar brenda afateve të përcaktuara në pikën 1 të kreut IV.

7. Dokumentacioni bazë i një praktike dëmi

a) Dokumente të përgjithshme për çdo praktikë dëmi janë:

1. njoftim/kërkesa e palës së dëmtuar për dëmshpërblim e protokolluar në regjistrin e veçantë të shoqërisë së sigurimit;

2. konfirmimi i mbulimit në sigurim i mjetit shkaktar i dëmit nga shoqëria e sigurimit;

3. formulari “Vërtetimi miqësor i ngjarjes–njoftimi i rastit të sigurimit”;

4. procesverbali i konstatimit të shkeljes nga policia rrugore për ngjarjen;

5. vendimi i prokurorisë për ngjarjen, kur në aksident rezultojnë vdekje dhe/ose plagosje të rënda;

6. vendimi i formës së prerë i gjykatës për përgjegjësitë në aksident, kur njëri nga drejtuesit e mjeteve motorike të përfshirë në aksident rezulton me vdekje ose plagosje të rëndë, ose vendimi i prokurorisë, kur çështja është pushuar.

b) Dokumente specifike për dëmet shëndetësore:

7. certifikata familjare dhe personale;

8. vërtetimi i të ardhurave neto personale për tri vitet e fundit;

9. dokumenti i vlerësimit të dëmit;

b.1 Për rastet e vdekjes:

10. skeda e vdekjes;

11. certifikata e vdekjes;

12. vendimi i gjykatës për përcaktimin e trashëgimtarëve të të ndjerit;

b.2 Për paaftësi të përhershme:

13. raporti i paaftësisë së përhershme për punë;

14. radiografi/skaner/rezonancë manjetike (sipas rastit), fletështrimi e fletëdalje nga spitali sipas dhe dokumente të tjera që ndihmojnë në vlerësimin e dëmit, në rast se ka të tillë;

b.3 Për paaftësi të përkohshme:

përveç dokumenteve të kërkuara në pikat 1, 4, 5, 8, 9 në shkronjat “a”, “b” të kësaj pike, i dëmtuari duhet të dorëzojë edhe:

15. raportin e paaftësisë së përkohshme (modelar tip);

c) Dokumente specifike për dëme materiale:

16. dokumenti i pronësisë së mjetit ose objektit të dëmtuar;

17. aktekspertim dëmi;

18. aktvlerësim dëmi;

19. foto të mjetit shkaktar i dëmit;

20. foto të mjetit ose objektit të dëmtuar.

8. Forma dhe përmbajtja e praktikës së dëmit

Dokumentacioni i parashikuar në pikën 7 të këtij kreu, duhet të paraqitet original ose fotokopje e noterizuar dhe në gjuhën shqipe. Forma dhe përmbajtja e tij duhet të jetë si më poshtë:

1. Pala e dëmtuar duhet të plotësojë me përpikmëri të gjitha hapësirat e njoftim/kërkesës për dëmshpërblim. Ajo duhet të shpjegojë me hollësi rrethanat e ngjarjes, duke e shoqëruar atë me skicën e vendngjarjes.

2. Konfirmimi i mbulimit në sigurim të mjetit shkaktar të dëmit, bëhet nga shoqëria e sigurimit dhe shoqërohet me policën e sigurimit të mjetit shkaktar të aksidentit.

3. Formulari standard “Vërtetimi miqësor i ngjarjes - njoftimi i rastit të sigurimit”, duhet të paraqitet nga pala e dëmtuar, kur shkaktari i dëmit është i siguruar me kontratën TPL. Ky dokument plotësohet me përpikmëri dhe besnikëri nga pjesëmarrësit në aksident, sipas të gjitha shpjegimeve të bëra në faqen e dytë të tij. Në faqen e dytë të këtij dokumenti, përbri paragrafit “Data e denoncimit”, e cila duhet të plotësohet nga i dëmtuari, shoqëria e sigurimit vendos datën se kur është bërë denoncimi në degë, duke e sigluar atë.

4. Procesverbali i konstatimit të shkeljes nga Policia Rrugore konsiderohet i rregullt, kur ai është lëshuar në përputhje me dispozitat e Kodit Rrugor.

5. Vendimi i prokurorisë për ngjarjen.

6. Vendimi i gjykatës.

7. Certifikata familjare dhe personale e të dëmtuarit (në rastin e paaftësisë së përhershme dhe të përkohshme) duhet të jetë sipas formatit zyrtar, e nënshkruar dhe e vulosur nga organi kompetent.

8. Vërtetimi i të ardhurave neto personale për tri vitet e fundit (duke u nisur nga data e aksidentit), i detajuar për çdo muaj, duhet të lëshohet nga punëdhënësi dhe të konfirmohet nga sigurimet shoqërore ose tatim-taksat.

9. Skeda e vdekjes.

10. Certifikata e vdekjes.

11. Vendimi i gjykatës për përcaktimin e trashëgimtarëve të të ndjerit.

12. Raporti i paaftësisë së përhershme për punë duhet ta shprehë në % masën e paaftësisë, duke u bazuar në tabelën “Shkalla e humbjes së paaftësisë së përhershme në punë”.

13. Radiografia/skaneri/rezonanca manjetike, fleta e shtrimit e fletëdalja nga spitali dhe çdo dokument tjetër që ndihmon në vlerësimin e dëmit duhet të jenë lëshuar nga organe kompetente.

14. Raporti i paaftësisë së përkohshme duhet të jetë sipas modelarit tip të lëshuar nga organi përkatës.

15. Dokumentet e pronësisë së mjetit ose objektit.

16. Akteksptimi i dëmit, do të kryhet në mënyrë të pavarur nga specialisti i inspektimit në vend të mjetit i autorizuar nga shoqëria e sigurimit.

Ky akteksptim duhet të jetë i firmosur nga specialisti dhe pala e dëmtuar.

17. Vlerësimi i dëmit do të kryhet në formularin aktvlerësim dëmi sipas formularit të shoqërisë. Në aktvlerësim duhet të merren parasysh të gjitha elementet e domosdoshme që kërkojnë shpenzime.

18. Foto të mjetit shkaktar të dëmit do të konsiderohen të rregullta, pavarësisht nga forma dhe lloji, kur në to paraqitet në mënyrë të qartë targa dhe pjesët e dëmtuara si rrjedhojë e ngjarjes.

19. Fotot e mjetit ose objektit të dëmtuar duhet të bëhen nga Shoqëria e sigurimit që hap praktikën gjatë procesit të ekspertimit. Praktika duhet të përmbajë jo më pak se 3 (tri) copë foto të mjetit/objektit të dëmtuar, në pozicione të ndryshme. Në foto duhet të pasqyrohen qartë elementet e dëmtuara. Në një nga fotot të pasqyrohet qartë pamja e përgjithshme e mjetit të dëmtuar së bashku me targën e tij.

20. Në praktikën e dëmit duhet të administrohen edhe të gjitha dokumentet plotësuese që kanë lidhje me të.

21. Shoqëria e sigurimit që trajton praktikën, pas kompletimit të saj me të tërë dokumentacionin sipas pikës 8, duhet të përgatisë relacionin ku pasqyrohet i gjithë procesi, nga hapja e praktikës deri në përfundim të saj. Në relacion duhet të jepet saktësisht gjykimi i specialistit për vërtetësinë e rastit të sigurimit, përputhjen me kushtet e përgjithshme të kontratës TPL dhe me udhëzimin e trajtimit të dëmeve në fuqi, me të gjitha detajet dhe faktet konkrete ose arsyet e refuzimit.

22. Kur dokumentacioni i praktikës nuk është i mundur të plotësohet, pasi në të mungojnë foto të mjetit shkaktar të dëmit dhe/ose shkaktari i dëmit nuk ka firmosur procesverbalin e policisë apo formularin “Vërtetimi miqësor i ngjarjes–njoftimi i rastit të sigurimit”, shoqëria e sigurimit duhet të kryejë investigimin paraprak duke e pasqyruar atë në relacionin shoqërues të praktikës.

23. Në praktikën e dëmit duhet të administrohen edhe të gjitha dokumentet plotësuese që

lidhen me të.

24. Deklarata e pranimit të dëmshpërblimit do të jetë sipas formularit tip (bashkëngjitur këtij udhëzimi) dhe do të shërbejë si provë për pranimin e vlerës së dëmshpërblimit nga pala e dëmtuar.

25. Urdhërpagesa do të jetë sipas formularit tip të përgatitur nga shoqëria e sigurimit dhe do të plotësohet me përpikmëri në të gjitha rubrikat e saj sipas rregullave financiare.

KREU II VLERËSIMI I DËMIT

Vlerësimi i dëmeve në shoqërinë e sigurimit realizohet nga vlerësues dëmsh të licencuar nga Autoriteti i Mbikëqyrjes Financiare sipas parashikimeve të kuadrit ligjor në fuqi.

II /A Llogaritja e dëmit shëndetësor

II/A1 Vlerësimi i dëmit me pasojë vdekjen

1. Formula e llogaritjes së dëmit me pasojë vdekjen

Dëmshpërblimi do të llogaritet sipas kësaj formule:

$$D = (T_{ap} - K_{avnp} \times T_{ap}) \times K_{shk} \times K_{mdp}$$

Ku:

D - dëmshpërblimi;

T_{ap} - të ardhurat personale;

K_{avnp} - koeficienti i të ardhurave për vetë nevojat e personit;

K_{shk} - koeficienti i shumës së kapitalizuar;

K_{mdp} - koeficienti i moshës së daljes në pension.

2. Llogaritja e të ardhurave personale

Si të ardhura personale do të konsiderohen:

a) Në rast se i ndjeri ka qenë në marrëdhënie pune, do të merret mesatarja e të ardhurave neto të tri viteve të fundit para ditës së aksidentit, të lëshuara nga punëdhënësi dhe të konfirmuara nga ISSH (Instituti i Sigurimeve Shoqërore).

b) Në rast se i ndjeri ka qenë pronar aktiviteti privat, do të merret deklarimi i të ardhurave neto të konfirmuara nga zyra e tatim-taksave, e llogaritur si mesatare për tri vitet më të fundit të punës.

c) Në rast se i ndjeri nuk ka qenë në marrëdhënie pune, do të konsiderohet vlera e pagës neto minimale zyrtare në momentin e ndodhjes së aksidentit.

d) Në qoftë se i ndjeri ka qenë punëmarrës te një punëdhënës i huaj apo shqiptar jashtë vendit, si e ardhur do të merret paga neto e punës e vitit të fundit apo certifikata e lëshuar për këtë qëllim nga punëdhënësi, e konfirmuar nga organet kompetente vendore.

e) Shuma e pensionit që ka marrë vitin e fundit, në qoftë se i ndjeri ka qenë në pension.

3. Koeficientët

a) Përqindja e të ardhurave për nevojat e vetë personit (K_{vaup}) do të jetë si më poshtë:

1. Kur i ndjeri ka pasur në familje tre dhe mbi tre persona (pa të ndjerin) pjesa që do të zbritet është 30% e të ardhurave.

2. Kur i ndjeri ka pasur në familje dy persona (pa të ndjerin) pjesa që do të zbritet është 40% e të ardhurave.

3. Kur i ndjeri ka pasur në familje një person (pa të ndjerin) pjesa që do të zbritet është 50% e të ardhurave.

4. Kur i ndjeri ka qenë i vetëm në familje do të paguhet vetëm shpenzimet e varrimit. Këto shpenzime i paguhet subjektit që ka kryer shërbimet funerale ose shtetit.

b) Koeficienti i shumës së kapitalizuar (K_{shk}) gjendet i gatshëm në tabelën nr.1 “Koeficientët e llogaritjes së shumës së kapitalizuar”, bashkëngjitur këtij udhëzimi.

c) Koeficienti i moshës së daljes në pension, në rast se i ndjeri ka qenë në marrëdhënie pune do të merret 0.90.

d) Për të papunët koeficienti i daljes në pension do të merret 0.80.

4. Vlera shtesë e dëmit me pasojë vdekjen

a) Trashëgimtarët nën moshën 16 vjeç të të ndjerit do të dëmshpërblehen në total në shumën fikse prej 500 000 lekë;

b) Shpenzimet për varrimin e të ndjerit do të dëmshpërblehen në shumën fikse prej 100 000 lekë.

II/A.2 Vlerësimi i dëmit me pasojën e paaftësisë së përhershme për punë

1. Formula e llogaritjes së dëmit me pasojën e paaftësisë së përhershme për punë

Dëmshtëpërblimi do të llogaritet sipas kësaj formule:

$$D = T_{ap} \times K_{shk} \times K_{mdp} \times K_{hap}$$

Ku:

- D - dëmshtëpërblimi;
- T_{ap} - të ardhurat personale;
- K_{shk} - koeficienti i shumës së kapitalizuar;
- K_{mdp} - koeficienti i moshës së daljes në pension;
- K_{hap} - koeficienti i humbjes së aftësisë për punë.

2. Të ardhurat personale dhe koeficientët e përdorur në llogaritjen e dëmit me pasojën e paaftësisë së përhershme për punë

a) Të ardhurat personale, koeficienti i shumës së kapitalizuar dhe koeficienti i moshës së daljes në pension janë të njëjta me përcaktimet e dhëna në pikat 2 dhe 3 të kreut II/A.1.

b) Për të dëmtuarit e mitur (deri në 16 vjeç) dhe të papunë, si e ardhur vjetore do të merret vlera e pagës neto minimale zyrtare në momentin e ndodhjes së aksidentit.

c) Koeficienti i humbjes së aftësisë për punë (K_{hap}) jepet nga KMCAP (Komisioni mjekësor i caktimit të aftësisë për punë) duke u mbështetur në tabelën nr.2 (shkalla e humbjes së aftësisë për punë), bashkëngjitur këtij udhëzimi.

d) Nëse nuk ka ndonjë parashikim tjetër në legjislacionin në fuqi, kur i dëmtuari në momentin e ndodhjes së aksidentit është i papunë, koeficienti i humbjes së aftësisë për punë jepet nga Komisioni Mjekësor i ngritur pranë BSHS-së.

e) Për dëmtimet funksionale vendimi i KMCAP-it do të konsiderohet i vlefshëm pas kalimit të afatit 6-mujor nga dita e aksidentit.

f) Për të dëmtuarit nën 12 vjeç, për efekt llogaritjeje të merret koeficienti i llogaritjes së shumës së kapitalizuar që i korrespondon moshës 12 vjeç.

g) Për të dëmtuarit mbi 80 vjeç për efekt llogaritjeje të merret koeficienti i llogaritjes së shumës së kapitalizuar që i korrespondon moshës 80 vjeç.

3. Vlera shtesë e dëmit me pasojën e paaftësisë së përhershme për punë

Vlerës së dëmshtëpërblimit të llogaritur sipas pikës 1 të kreut II/A.2 do t'i shtohen edhe shpenzimet spitalore e farmaceutike të kryera nga i dëmtuari brenda periudhës së paaftësisë dhe të vërtetuar me dokumente të rregullta.

II/A.3 Vlerësimi i dëmit me pasojë paaftësinë e përkohshme për punë

1. Llogaritja e dëmshtëpërblimit për paaftësinë e përkohshme për punë

a) Humbja e përkohshme e aftësisë për punë përcaktohet nga raportet mjekësore (modelarë), për një periudhë deri në 6 muaj.

b) Kur i dëmtuari është i punësuar në sektorin privat apo publik, dëmshtëpërblimi mujor llogaritet si diferencë midis pagës së muajit të fundit para aksidentit dhe pagës që përfitohet nga raportet mjekësore.

c) Kur i dëmtuari është pa punë, dëmshtëpërblimi llogaritet me formulën e mëposhtme:

$$D = \frac{P_{mz} \times P_{rd}}{d}$$

Ku:

- D - dëmshtëpërblimi;
- P_{mz} - paga minimale zyrtare;
- P_{rd} - periudha e raporteve në ditë;
- d - 21 ditë.

d) Përveç dëmshtëpërblimit të shprehur në pikat a, b dhe c, të dëmtuarit do t'i paguhet edhe shpenzimet spitalore e farmaceutike të kryera nga ai brenda periudhës së paaftësisë së përkohshme.

e) Kur i dëmtuari është i mitur (nën 16 vjeç) ose pensionist si dëmshtëpërblim do të konsiderohet likuidimi i shpenzimeve spitalore e farmaceutike të kryera nga ai.

II/A.4 Trajtimi i të dëmtuarve me shërbime mjekësore jashtë vendit

1. Procedurat e kurimit të të dëmtuarve jashtë vendit

a) Në kuptim të këtij udhëzimi do të konsiderohen të dëmtuar që kurohen jashtë vendit të gjithë ata të dëmtuar që përfitojnë nga ligji “Për sigurimin e detyrueshëm të mbajtësve të mjeteve motorike për përgjegjësitë ndaj palëve të treta” dhe që rekomandohen për kurim jashtë vendit nga komisioni mjekësor zyrtar i ngritur për këtë qëllim nga Ministria e Shëndetësisë.

b) Komisioni mjekësor zyrtar arsyeton mbi mundësinë e kurimit të të dëmtuarit brenda, apo jashtë vendit dhe shprehet për rastet, kur është i nevojshëm kurimi jashtë vendit, duke rekomanduar edhe klinikën që do të përdoret.

c) Shoqëria e sigurimit ndihmon të dëmtuarit për lehtësimin e procedurave të dërgimit jashtë shtetit.

d) Për çdo të dëmtuar do të bihet dakord rast pas rasti, me klinikën që merr përsipër kurimin, për çmimin për çdo ditë qëndrimi të të dëmtuarit dhe shoqëruesin e tij, llojin e ndërhyrjeve, numrin e tyre, çmimin për çdo ndërhyrje dhe afatin e kurimit.

e) Klinika kuruese do të likuidohet nga shoqëria që ka siguruar mjetin shkaktar të dëmit, sipas faturave të paraqitura. Këto shpenzime konsiderohen dëmshpërblim për të dëmtuarin.

f) Në qoftë se i dëmtuari edhe pas kurimit jashtë vendit rezulton me paaftësi të përhershme për punë, për dëmshpërblim të mëtejshëm të tij do të veprohet sipas rregullave mbi “Llogaritjen e dëmshpërblimit me pasoja, paaftësi e përhershme për punë”.

g) Kur të dëmtuarit kurohen jashtë vendit pa miratimin me shkrim sipas procedurave të përmendura më lart, dëmshpërblimi do të llogaritet sipas seksionit “Llogaritja e dëmshpërblimit me pasojë paaftësi e përhershme për punë”.

Përjashtim nga ky rast bëhet vetëm kur personi i dëmtuar për shkaqe shëndetësore urgjente duhet të kurohet jashtë vendit.

II/B Dëmi jopasuror

1. Format e dëmit jopasuror

Dëmshpërblimi për dëmin jopasuror përfshin:

a) Dëmshpërblim për dhimbje trupore-fizike, dhimbje shpirtërore dhe frikë të pësuar.

- Dhimbjet trupore-fizike janë dhimbje të cilat paraqiten te personat e lënduar në momentin e aksidentit dhe vazhdojnë deri në momentin e përkujdesjes për të lënduarin, si dhe gjatë kohës së mjekimit e deri në përfundim definitiv të mjekimit.

- Dhimbja shpirtërore për zvogëlimin e aktivitetit jetësor është e lidhur ngushtë me sferën fizike të personalitetit të njeriut dhe shfaqet në rritjen e përpjekjeve fizike në kryerjen e aktiviteteve të përditshme jetësore.

- Frika relative juridike është ajo frikë që është e pësuar apo ka lëndime trupore të lehta, ose nëse intensiteti i lëndimeve dhe i frikës së pësuar zgjat dhe ka lënë pasoja psikike te personi i dëmtuar.

b) Dëmshpërblim për dhimbje psikike për shkak të vdekjes së të afërmit të tyre (bashkëshort, fëmijë, prind). Frika relative juridike është ajo frikë që është e pësuar apo ka lëndime trupore të lehta, ose nëse intensiteti i lëndimeve dhe i frikës së pësuar zgjat dhe ka lënë pasoja psikike te personi i dëmtuar.

c) Dëmshpërblim për dhimbje shpirtërore në rast të paaftësisë së përhershme të të afërmit (bashkëshort, fëmijë, prind). Dhimbja shpirtërore për zvogëlimin e aktivitetit jetësor është e lidhur ngushtë me sferën fizike të personalitetit të njeriut dhe shfaqet në rritjen e përpjekjeve fizike në kryerjen e aktiviteteve të përditshme jetësore.

2. Vlerësimi për dëmin jopasuror

a) Vlera e dëmshpërblimit për dhimbje trupore-fizike, dhimbje shpirtërore dhe frikë të pësuar:

- Në rast se personi i dëmtuar rezulton me paaftësi të përkohshme, vlera e dëmshpërblimit do të jetë shuma fikse prej 30 000 lekësh.

- Në rast se personi i dëmtuar rezulton me paaftësi të përhershme, vlera e dëmshpërblimit do të jetë deri në 100 000 lekë, e cila varion sipas shkallës së paaftësisë që do të thotë, shifra fikse e vendosur x me % e paaftësisë së përhershme, por jo më pak se 30 000 lekë.

b) Vlera e dëmshpërblimit për dhimbje psikike për shkak të vdekjes së të afërmit të tyre (bashkëshort, fëmijë, prind) përcaktohet në shumën fikse prej 30 000 lekësh.

c) Vlera e dëmshpërblimit për dhimbje shpirtërore në rast të paaftësisë së përhershme të të afërmit (bashkëshort, fëmijë, prind) përcaktohet:

- Në raste se personi i dëmtuar rezulton me paaftësi e përhershme vlera e dëmshpërblimit do të jetë deri në vlerën 50 000 lekë, e cila varion sipas shkallës së paaftësisë që do të thotë, shifra fikse e

vendosur x me % e paaftësisë së përhershme, por jo më pak se 5000 lekë.

II/B Llogaritja e dëmit material

1. Kategorizimi i mjeteve

a) *Grupi i parë*: Përfshihen mjete të prodhuara ose të vëna në qarkullim në interval kohor ushtrimor 4 (katër) vjet përpara ditës së dëmit.

Do të përfshijë të gjitha mjetet të cilat janë në qarkullim dhe/ose prodhuar katër vitet e fundit (48 muaj kalendarik), përpara ditës së dëmit.

b) *Grupi i dytë*: Përfshihen mjete të prodhuara ose të vëna në qarkullim në interval kohor ushtrimor 6 (gjashtë) vjeçar përpara atij të grupit të parë.

c) *Grupi i tretë*: Përfshihen mjete të prodhuara ose të vëna në qarkullim në intervalin kohor përpara grupit të dytë.

Do të përfshijë mjetet e vëna në qarkullim përpara grupit të dytë.

2. Dokumentacioni që përcakton grupin e mjetit

a) Dokumentacioni që përcakton grupin e mjetit është:

- leja e qarkullimit të mjetit;

- aktpronësia e mjetit.

b) Dokumentacioni i mësipërm duhet të paraqitet:

- origjinal; ose

- fotokopje e noterizuar.

c) Në mungesë të dokumentacionit të përmendur në pikën a, përcaktimi i grupit do të bëhet nëpërmjet botimeve të fundit të katalogëve të njohur ndërkombëtarë.

3. Vlerësimi i dëmit material

a) Mënyra e llogaritjes së vlerës së dëmshpërblimit do të zgjidhet në funksion të amortizimit të mjetit motorik, vlerës aktuale dhe gjendjes teknike të tij, mundësisë për sigurimin e pjesëve të këmbimit, nivelit të kërkesave për riparim etj.

b) Pas kryerjes së ekspertimit të dëmit dhe vlerësimit të mjetit para ngjarjes, kryhet vlerësimi i dëmit duke e pasqyruar atë në aktvlerësim dëmi.

Aktvlerësimi detyrimisht përmban:

Në pjesën e parë:

- emrin e përfituesit të dëmit;

- emrin e shkaktarit të dëmit në momentin e aksidentit;

- polica e sigurimit të mjetit shkakhtar të dëmit.

Në pjesën e dytë vendosen:

- të gjitha elementet që pasqyrohen në këtë pjesë plotësohen gjatë ekspertimit fizik të mjetit të dëmtuar me qellim që të bëhet më pas krahasimi me dokumentacionin përkatës që i korrespondon mjetit.

Në pjesën e tretë:

- shënohen të gjitha pjesët e dëmtuara të mjetit motorik të dëmtuar, të konstatuara në momentin e ekspertimit.

Elementet e detajuara të vlerësimit të dëmit material përcaktohen në manualët e dëmeve të shoqërive. Manualët e shoqërive dhe çdo ndryshim i kryer në to duhet të depozitohen në Autoritetin e Mbikëqyrjes.

4. Llogaritja e dëmit për mjetet që riparohen në servis

a) Aplikohet në rastet kur mjeti i dëmtuar autorizohet për t'u riparuar në servis.

Në këtë rast shqyrtohet paraprakisht preventivi i paraqitur nga servisi.

b) Palës së tretë ose të siguruarit i ofrohet dëmshpërblimi në vlerë monetare ose riparimi i mjetit në servis të regjistruar pranë organeve tatimore më të cilët është lidhur aktmarrëveshja përkatëse nga shoqëria e sigurimit.

c) Autorizimi për riparimin e mjeteve në servis jepet vetëm nga personi i autorizuar i shoqërisë së sigurimit.

d) Ekspertimi i mjetit të dëmtuar bëhet i përbashkët ndërmjet ekspertit të shoqërisë së sigurimit, përfaqësuesit të servisit dhe palës së tretë/të dëmtuarit dhe firmoset prej tyre.

e) Secila palë ka të drejtë të pajiset me një kopje të aktekspertimit të dëmit.

f) Riparimi konsiderohet i përfunduar, kur pala e tretë/i siguruari nënshkruan formularin “Deklarimi i pranimit të riparimit të mjetit”.

g) Dorëzimi i mjetit nga ana teknike, para dhe pas riparimit, bëhet me procesverbal në prani të përfaqësuesit të servisit, palës së tretë/të siguarit.

h) Dëmshpërblimi i paguhet palës së tretë/të siguarit, përfaqësuesit ligjor të saj ose servisit të autorizuar, kur kjo bëhet me kërkesë apo me miratim me shkrim të palës së tretë/të siguarit.

i) Lëshimi i faturës nga servisi bëhet pas pranimit pa pretendime të mjetit të riparuar nga pala e tretë/i siguruari.

KREU III

1. Trajtimi i praktikave nga fondi i kompensimit

a) Praktika e dëmit për mjete të dëmtuara, që janë objekt i fondit të kompensimit, do bëhet nga një shoqëri e sigurimit e autorizuar si trajtues dëmsh, bazuar në kuadrin ligjor në fuqi.

b) Të gjitha praktikat objekte të fondit të kompensimit, pas kompletimit me dokumentacionin e parashikuar në pikën 7 të kreut I të këtij udhëzimi, dërgohen pranë BSHS-së brenda 10 ditëve kalendarike nga dita e plotësimit të dokumentacionit.

c) Pagesa e çdo praktike dëmi, objekt i fondit të kompensimit, do të kryhet nga Byroja Shqiptare e Sigurimit.

KREU IV

MËNYRA, AFATET E LIKUIDIMIT DHE KONTABILIZIMI I DËMEVE

1. Afatet e dëmshpërblimit

a) Shoqëria e sigurimit brenda 90 ditëve kalendarike nga data e paraqitjes së kërkesës për dëmshpërblim duhet të njoftojë me shkrim të dëmtuarin për vlerën e dëmshpërblimit, apo për refuzimin e kërkesës dhe shkaqet e refuzimit për dëmshpërblim.

b) Në rast se janë shkaktuar dëmtime shëndetësore të përkohshme, shoqëria e sigurimit brenda 30 ditëve kalendarike nga data e paraqitjes së kërkesës për dëmshpërblim, duhet të njoftojë me shkrim të dëmtuarin për vlerën e dëmshpërblimit apo për shkaqet e refuzimit të kërkesës për dëmshpërblim.

c) Shoqëria e sigurimit paguan një normë interesi për çdo ditë vonese duke filluar nga dita e parë pas përfundimit të afatit të parashikuar në shkronjat “a” dhe “b” të kësaj pike. Normat e interesit paguhën sipas llogaritjeve të normës mesatare të interesit të Bankës së Shqipërisë.

d) Për kryerjen e pagesës së dëmshpërblimit në favor të të dëmtuarit, ky i fundit detyrohet të plotësojë dhe të konfirmojë formularin “Deklarimi i pranimit të vlerës së dëmshpërblimit”.

e) Likuidimi i dëmshpërblimit do të bëhet nga shoqëria e sigurimit që ka trajtuar praktikën, ose BSHS-së mbi bazën e shumës përfundimtare të llogaritur sipas kriterëve të këtij udhëzimi dhe bazuar në parashikimet e ligjit nr.9267, datë 29.7.2004 “Për veprimtarinë e sigurimit, risigurimit dhe ndërmjetësimit në sigurime e risigurime” dhe të ligjit “Për procedurat tatimore në Republikën e Shqipërisë”.

2. Kontabilizimi i shpenzimeve për dëmet

a) Shoqëria e sigurimit regjistron në zërin “Shpenzime për dëmet” vlerën e dëmshpërblimit që merr përfituesi.

b) Shoqëria e sigurimit regjistron në zërin “ Shpenzime për trajtim dëmsh” të gjitha llojet e shpenzimeve si:

- shpenzime për transportimin e mjetit të dëmtuar (karrotrec);
- shpenzime gjyqësore dhe aktekspertime;
- shpenzime noterial etj.

KREU V

ZGJIDHJA E MOSMARRËVESHJEVE DHE ANKIMEVE

1. Njoftimi dhe regjistrimi i ankesave

a) Në rast se klienti mbetet i pakënaqur nga vlerësimi i kërkesës për dëmshpërblim apo refuzimi i saj, ka të drejtë të bëjë ankesë pranë zyrës të trajtimit të ankesave në shoqërinë e sigurimit.

b) Ankesa duhet të bëhet me shkrim, e nënshkruar dhe e datuar nga ankimuesi. Në rast se ankesa bëhet verbalisht, shoqëria e sigurimit këshillon ankimuesin se ankesa do të regjistrohet datën kur ankesa depozitohet me shkrim.

c) Zyra e ankesave krijohet dhe funksionon e veçantë strukturat e tjera të shoqërisë së sigurimit. Shoqëritë e sigurimit duhet të krijojnë baza të dhënash, ku të pasqyrohen në mënyrë të hollësishme ankesat e bëra nga ankimuesit.

Baza e të dhënave duhet të përfshijë kryesisht këto elemente:

- emri, mbiemri, si dhe adresa e ankimuesit;
- data e ankimimit;
- emri i siguruesit;
- tipi i policës së sigurimit;
- përshkrim i shkurtër i ankesës;
- zgjidhja e ankesës, nëse ka;
- data e zgjidhjes, nëse ka.

2. Shoqëria e sigurimit raporton në autoritet bazën e të dhënave të ankesave çdo muaj brenda datës 15 të muajit pasardhës.

3. Shoqëria e sigurimit nëpërmjet zyrës të trajtimit të ankesave shqyrton ankesën dhe njofton me shkrim ankimuesin brenda 10 ditëve kalendarike nga data e depozitimit.

4. Trajtimi i ankesave duhet të jetë korrekt, i menjëhershëm dhe jodiskriminues. Përgjigja e zyrës së trajtimit të ankesave të shoqërisë duhet të jetë e arsyetuar, të bëjë shpjegimin e fakteve që janë shkas për vendimin, bazën ligjore, si dhe të drejtën për të paraqitur ankesë pranë Autoritetit Mbikëqyrjes Financiare.

5. Klienti gëzon të drejtën që pas paraqitjes së ankesës në shoqërinë e sigurimit t'i drejtohet Autoritetit të Mbikëqyrjes Financiare që miraton rregulla mbi mënyrën dhe afatet e trajtimit të ankesave të të siguarve/përfituesve.

KREU VI DISPOZITA TË FUNDIT

1. Parashikimet e nenit 27 të rregullores 622/1, datë 15.12.1992 “Për zbatimin e sigurimit të detyrueshëm të mbajtësve të mjeteve motorike për përgjegjësinë ndaj personave të tretë”, shfuqizohet.

2. Tabela nr.1 “Koeficientët e llogaritjes së shumës së kapitalizuar”, tabela nr.2 “Shkalla e humbjes së aftësisë së përhershme për punë”, janë pjesë përbërëse të këtij udhëzimi.

3. Ky udhëzim është i detyrueshëm për t’u zbatuar nga shoqëritë e sigurimit, institucione publike ose private, vlerësuesit e dëmeve në sigurime.

Ky udhëzim hyn në fuqi pas botimit në Fletoren Zyrtare.

MINISTRI I FINANCAVE
Ridvan Bode

Tabela 1

KOEFICIENTET E LLOGARITJES SE SHUMES SE KAPITALIZUAR

MOSHA	KOEFICIENTI	MOSHA	KOEFICIENTI	MOSHA	KOEFICIENTI	MOSHA	KOEFICIENTI
12	20.048	34.6	17.353	57	11.532	79.6	4.058
12.6	19.990	35	17.268	57.6	11.356	80	3.939
13	19.931	35.6	17.181	58	11.180		
13.6	19.874	36	17.093	58.6	11.002		
14	19.818	36.6	17.002	59	10.802		
14.6	19.762	37	16.910	59.6	10.644		
15	19.707	37.6	16.815	60	10.464		
15.6	19.652	38	16.720	60.6	10.283		
16	19.598	38.6	16.621	61	10.102		
16.6	19.544	39	16.523	61.6	9.919		
17	19.490	39.6	16.420	62	9.737		
17.6	19.437	40	16.318	62.6	9.554		
18	19.383	40.6	16.211	63	9.371		
18.6	19.331	41	16.104	63.6	9.188		
19	19.279	41.6	15.994	64	9.005		
19.6	19.228	42	15.883	64.6	8.821		
20	19.177	42.6	15.768	65	8.638		
20.6	19.127	43	15.652	65.6	8.454		
21	19.077	43.6	15.533	66	8.270		
21.6	19.027	44	15.413	66.6	8.086		
22	18.973	44.6	15.289	67	7.903		
22.6	18.928	45	15.165	67.6	7.722		
23	18.878	45.6	15.037	68	7.541		
23.6	18.827	46	14.908	68.6	7.363		
24	18.777	46.6	14.775	69	7.185		
24.6	18.724	47	14.642	69.6	7.011		
25	18.67	47.8	14.504	70	6.837		
25.6	18.614	48	14.367	70.6	6.667		
26	18.557	48.6	14.225	71	6.496		
26.6	18.498	49	14.083	71.6	6.631		
27	18.439	49.6	13.937	72	6.165		
27.6	18.337	50	13.792	72.6	6.005		
28	18.315	50.6	13.642	73	5.846		
28.6	18.250	51	13.493	73.6	5.691		
29	18.185	51.6	13.339	74	5.537		
29.6	18.177	52	13.185	74.6	5.389		
30	18.019	52.6	13.028	75	5.241		
30.6	17.977	53	12.871	75.6	5.099		
31	17.906	53.6	12.710	76	4.957		
31.6	17.831	54	12.548	76.6	4.821		
32	17.757	54.6	12.383	77	4.685		
32.6	17.679	55	12.217	77.6	4.555		
33	17.601	55.6	12.048	78	4.425		
33.6	17.569	56	11.878	78.6	4.301		
34	17.438	56.6	11.705	79	4.177		

TABELA 2

SHKALLA E HUMBJES SË AFTËSISË SË PËRHERSHME PËR PUNË
(në përqindje)

1. Koka

1.1 Manifestime të dhimbshme të rënda të vazhdueshme pas dëmtimeve traumatike të kokës (të kafkës dhe të trurit)-goditje psirike, dobësi mendjeje, kriza epileptike të shpeshta, paralizë, afazi, apraksi, agnozi, çrregullime të skemës së trurit, tronditje vestibulare të rëndësishme 100%.

1.2 Manifestime të dhimbshme të vazhdueshme, por më pak të rënda pas dëmtimeve traumatike të kokës (të kafkës dhe të trurit) – prekje organike të nervave-kranio-cerebrale, çrregullime të madhësisë së lëvizjeve dhe i fuqisë në ekstremitet, çrregullimi i koordinimit të lëvizjeve, hiperkinezi, çrregullim i rëndësishëm i tonuzit, kriza epileptike jo të shpeshta, dobësim i konsiderueshëm i kujtesës, i intelektit, mungesë kurajoje

70%-90%.

1.3 Manifestime reziduale pas tronditjes së trurit: neurozë post-koocionale e shoqëruar me manifestime reziduale të vazhdueshme edhe pas mjekimit, çrregullime të vazhdueshme të funksioneve të sistemit nervor vegjetativ, disfunkcion hormonal, çrregullim i metabolizmit, sindromë paraksizmale jo të shpeshta, kriza vestibulare, kriza epileptiforme, çrregullim i organeve të shqisave, të të nuhaturit, të shijimit

30-70%.

1.4 Manifestime reziduale pas kontuzionit të kokës, dhimbje koke të fortë, marrje mendsh, irritacion, lodhje e shpejtë, çrregullim i gjumit, djersitje, manifestim kardiovaskular, simptoma vegjetative, manifestime reziduale të parëndësishme të prekjës së nervave taranio-cerebral (shenja organike të lehta) etj.

10-30%.

2. Sytë

2.1 Humbje e plotë e shikimit me të dy sytë

100%.

2.2 Humbje e plotë e shikimit me njërin sy, duke ruajtur mprehtësinë normale të shikimit të syrit tjetër (1:0)

35%.

2.3 Kur pakësohet mprehtësia e shikimit, përqindja e humbjes së aftësisë në punë caktohet sipas tabelës së poshtëshënuar:

Në përqindje

Vizur	1,0	0,9	0,8	0,7	0,6	0,5	0,4	0,3	0,2	0,1	0,0
1	0	5	5	5	5	10	10	5	20	24	35
0,9	5	5	5	5	1	10	15	5	20	30	35
0,8	5	5	5	10	10	15	15	0	25	30	40
0,7	5	5	10	10	15	15	20	0	25	35	40
0,6	5	10	10	15	15	20	20	5	30	35	40(45)
0,5	10	10	5	15	20	20	25	0	35	40	0
0,4	10	15	5	20	20	25	30	5	40	45	55
0,3	15	15	0	20	25	30	35	0	45	50	0
0,2	20	20	5	25	30	35	40	5	55	60	70
0,1	25	30	30	35	5	40	45	0	60	5	5
0,0	35	35	40	40	45	50	55	0	70	80	100

2.4 Afaki e njëanshme

100%.

2.5 Dipllopi sipas gradës dhe hemianopsi e njëanshme sipas gradës

20-60%.

2.6 Paralizë e akomodimit të një syri dhe paraliza të tjera sipas gradës

10-25%.

2.7 Ploze (rrënja e qepallës) sipas gradës

10-25%.

2.8 Ngushtim koncetrues i fushës vizive në njërin sy

10%.

2.9 Ngushtim i kanaleve nazol-lakrimale me rrjedhje lotësh

15%.

2.10 Pamjaftësi e qepallave për të mbuluar globin ocular sipas gradës

15-25%.

2.11 Ngjitja e qepallës me syrin duke penguar lëvizjen e syrit

15%.

2.12 Eksoftalm ose bilateral shoqëruar me ulje të mprehtësisë së pamjes

50-100%.

3. Veshët

3.1 Pakësim i fortë i të dëgjuarit (folje me zë të ulët: 0) me njërin vesh ose me të dy veshët

	15-30%.
3.2 Pakësim mesatar i të dëgjuarit (folje me zë të ulët nga një distancë më tepër se një metër) me një vesh ose me të dy veshët	10-15%.
3.3 Shurdhim i plotë i njërit vesh ose i të dyve	15-50%.
3.4 Inflamacion kronik me qelb i veshit të mesit i tipit meozotimpanit dhe i tipit eptimpanit ose komplikuar me kolesteatoma	15-25%.
3.5 Çrregullime objektive të funksionit vestibular sipas gradës dhe komplikacione endokraniale	10-60%.
3.6 Humbja e llapës së veshit, si dhe defiguracioni i saj	15%.
4. Fytyra	
4.1 Cikatrizime superficiale të shumta që shëmtojnë fytyrën, por që nuk shkaktojnë çrregullime funksionale	15%.
4.2 Lezione të fytyrës të shoqëruara me çrregullime funksionale: ngushtimi i gojës dhe i vestibulit të gojës, pakësim i lëvizjes së nofullës së poshtme, formim i një fistule salivare sipas gradës	25-50%
4.3 Dëmtime të kockave të hundës, nofullave të sipërme e të poshtme dhe të kockave të tjera të fytyrës që shkaktojnë çrregullime funksionale sipas gradës	25-40%.
4.4 Humbje dhëmbësh gjatë fatkeqësisë sipas numrit të dhëmbëve të humbur	5-15%.
5. Hunda	
5.1 Humbja e hundës	30-40%.
5.2 Vështirësim i respiracionit nga hunda (thyerje-ngushtim i zgavrës nozale)	15%.
5.3 Sëmundje me qelb i anekseve të kavitetit nasal, si dhe të shoqëruara me dhimbje koke, si rrjedhje të lëngut cerebral-spinal	25-40%.
5.4 Humbje e shqisës së të nuhaturit	10%.
6. Qafa dhe laringu	
6.1 Kufizim i lëvizjes së qafës nga shkaku i dëmtimeve traumatike të indeve të buta sipas gradës	10-30%.
6.2 Afoni (humbja e zërit), paralizë e njërit nga nervat sekuronk	25%.
6.3 Vështirësim i respiracionit nga shkaku i ngushtimit permanent të laringut sipas gradës, në paralyzibilaterale sekusensit-stenozot-gjendje e trakeotramizuar	70%
6.4 Dëmtim i laringut ose pasoja të dëmtimeve të tjera të qafës që japin funksionale dhe për jetën	75%.
7. Kraharoni	
7.1 Pakësimi i lëvizjes së kafazit të kraharonit nga shkaku i dëmtimeve të ndryshme të tij, thyerje e brinjëve, cikatrizime sipas gradës	10-30%.
7.2 Deformacion i kafazit të kraharonit tepër i prononcuar	40%.
7.3 Manifestime rezirlulle permanente pas një prevriti traumatik, pakësim i lëvizjeve respiratore të mushkërive, pakësimi i sipërfaqes respiratore nga shkaku i aderencave me pjesët e afërta etj, sipas gradës	15-70%. 7.4
Sëmundje kronike të indit pulmonar (sipas gravitetit të prekjes)	25-100%.
7.5 Sëmundje organike të zemrës së cipave të saj (infamacion kronik i miokardit anevrizma) dhe të vazeve (sipas rëndësisë së prekjes)	25-100%.
8. Barku	
8.1 Sëmundje kronike të organeve abdominale dhe të ezofagut të shoqëruara me çrregullime në tretjen e ushqimeve dhe pakësimin në peshë (ngushtim i ezofagut, i stomakut, fistula të tyre, influencon kronik i peritoneumit, sëmundje të mëlçisë së zezë, zmadhim dhe heqje e shpretkës, sëmundjet e organeve gjenitale të gruas etj., sipas rëndësisë së prekjes.	25-100%.
8.2 Dëmtime të mureve abdominale të shoqëruara me çrregullime të pressioabdominales (këputjes, parez muskulash ose formim cikatrizash të mëdha)	25%.
8.3 Shkarja e zorrëve, e mitrës (që shfaqen si konsekuencë e rastit të fatkeqësisë)	25%.
8.4 Hernia e paoperuar ose e operuar me përfundim (në inguinjo të kënaqshëm, në inguinjo në regjionin gluteal, në numrin abdominal)	10-50%.
9. Organet urinare dhe seksuale	
9.1 Sëmundje kronike të veshkave të pelvis reuale dhe të uretereve sipas gradës	30-70%.
9.2 Heqje e një veshke	50%.

9.3 Veshkë endëse (errante)	35%
9.4 Çrregullim i beljes së urinës shkaktuar nga dëmtime në zonën e organeve urogenitale sipas gradës	15-50%.
9.5 Fistule të kanalit urinar dhe të fshikëzës së urinës	50%.
9.6 Idrocele në testiculum ose në duktur seminale	40%.
9.7 Humbje e organeve seksuale (penis)	40%.
9.8 Humbje e të dy testikujve	60%.
9.9 Humbje e një testikuli	30%.
10. Shtylla kurrizore	
10.1 Dëmtime të shtyllës kurrizore të shoqëruara me simptoma objektive të vazhdueshme të çrregullimeve të funksioneve të palcës kurrizore ose të sistemit nervor periferik (paralizë e ekstremiteteve, çrregullime të organeve të bacinit etj.)	100%.
10.2 Sëmundje të kolonës vertebrale (në çdo seksion të saj) të cipës kurrizore të rrënjëve, të plekseve të qafës dhe të supit të shoqëruara me çrregullime të funksioneve të ekstremiteteve: pakësim i volumit të lëvizjeve, pakësim i fuqisë, çrregullim i sensibilitetit, ndryshim i refleksive sipas gradës	20-60%.
10.3 Këputje dhe tendosje të muskujve të kurrizit, sipas gradës	10-50%.
10.4 Kufizim i lëvizjes së kolonës vertebrale, sipas gradës	10-50%.
10.5 Kufizim i lëvizshmërisë së kolonës vertebrale që lyp një mbajtje të përhershme të korsetit	70%.
11. Basini	
11.1 Prishje e unitetit të hallkës së basinit (fiksion jo i plotë i artikulacionit sakro-ileak	25%.
11.2 Thyreje e kockave të basinit të shoqëruara me çrregullime të funksioneve të ekstremiteteve, sipas gradës	20-60%.
12. Ekstremitete të sipërme	

1. Gishti i madh	Dora	Majtë
	jathtë	
12.1.1 Humbje e falangës së thoit	1	10%
	5%	
12.1.2 Humbje e falangës së thoit me gjysmën e falangës	2	15%
	0%	
12.1.3 Humbje e të dy falangave vetëm ose së bashku me metakarp	3	20%
	0%	
12.1.4 Imobilitet i artikulacionit metaka profalangjial dhe metakar pa karpal	1	10%
	5%	
12.1.5 Imobilitet i artikulacioneve midis falangeve	1	5%
	0%	
12.1.6 Imobilitet i dy artikulacioneve falange të çfarëdoshme	2	15%
	0%	
12.1.7 Imobilitet i të trija artikulacioneve	3	25%
	0%	
12.1.8 Mobilitet i vështirë pernnanent i gishtit të madh	1	5%
	0%	
12.1.9 Kontrakturë fleksive dhe ekstensive e gishtit të madh	2	15%
	5%	
12.1.10 Shkurtim dhe deformim i gishtit të madh	2	15%
	0%	
12.1.11 Shëmtim (defiguracion) i thoit ose defekt në falangën e tij	1	5%
	0%	
2. Gishti tregues		
12.2.1 Humbje e falangës së thoit	1	5%
	0%	
12.2.2 Humbje e falangës së thoit dhe e falangës së mesme	1	10%

		5%		
	12.2.3 Humbje e të tria falangave dhe e të tria falangave me kockën e dytë metokarpale	5%	2	15%
	12.2.4 Imobilitet i artikulacionit të parë	5%	1	10%
	12.2.5 Imobilitet i artikulacionit të parë dhe artikulacionit të mesëm	0%	2	15%
	12.2.6 Imobilitet i artikulacionit të parë dhe artikulacionit të tretë	5%	1	10%
	12.2.7 Imobilitet i artikulacionit të mesëm	0%	1	5%
	12.2.8 Imobilitet i artikulacionit të tretë	%	5	5%
	12.2.9 Imobilitet i artikulacionit të mesëm dhe i artikulacionit të tretë	5%	1	10%
	12.2.10 Imobilitet i trija artikulacioneve	5%	2	20%
	12.2.11 Imobilitet i vështirë përnannet i gishtit tregues	0%	1	5%
	12.2.12 Kontraturë fleksive ose ekstensive	5%	2	10%
	12.2.13 Shkurtim dhe defonnim i gishtit tregues	5%	1	10%
	12.2.14 Shëmtim i thoit ose defekte në pjesët e butë atë të falangës tij	%	5	5%
	3. Gishti i mesëm, i unazës dhe i vogël			
	12.3.1 Humbje e falangës së thoit	%	5	5%
	12.3.2 Humbje e falangës së thoit dhe e falangës së mesme	0%	1	5%
	12.3.3 Humbje e njërit prej këtyre gishtërinjve	0%	1	5%
	12.3.4 Idem bashkë me kockën metakaipale	5%	1	10%
	12.3.5 Imobilitet i të trija artikulacioneve ose i të parit dhe i mesit	5%	1	10%
	12.3.6 Imobilitet i artikulacionit të parë	0%	1	5%
	12.3.7 Imobilitet i artikulacionit të mesëm	0%	1	5%
	12.3.8 Omobilitet i artikulacionit të artikulacionit të tretë	0%	1	5%
	12.3.9 Imobilitet i artikulacionit të mesëm dhe të tretë	0%	1	5%
	12.3.10 Imobilitet vetëm i artikulacionit të tretë	%	5	5%
	12.3.11 Imobilitet i vështirë pënnant i njërit prej këtyre gishtërinjve	%	5	5%
	12.3.12 Kontraktor fleksive ose ekstensive	0%	1	5%
	12.3.13 Shkurtim dhe defonnim	0%	1	5%
	4. Dëmtim i të gjithë ose disa gishtërinjve të një dore			
	12.4.1 Humbje e të gjithë gishtërinjve	5%	7	60%

12.4.2 Imobiliteti i të gjithë gishtërinjve	6	55%
	5%	
12.4.3 Imobilitet i vështirë i të gjithë gishtërinjve	4	20%
	0%	
12.4.4 Kontrakturë e të gjithë gishtërinjve	5	40%
	5%	
12.4.5 Humbje e të dy gishtërinjve të një dore		
a) E gishtit të madh dhe tregues	5	40%
	0%	
b) E gishtit të madh së bashku me gishtin e mesëm ose me gishtin e unazës ose me gishtin e vogël	4	30%
	0%	
c) E gishtit tregues së bashku ose me gishtin e mesëm, ose me gishtin e unazës, ose me gishtin e vogël	3	25%
	5%	
d) E gishtit të mesëm së bashku me gishtin e unazës ose me gishtin e vogël	3	20%
	0%	
f) E gishtit të unazës dhe e gishtit të vogël	2	15%
	0%	
12.4.6 Humbje e të tre gishtërinjve të një dore		
a) E gishtit të madh tregues së bashku me gishtin e unazës ose me gishtin e mesëm, ose me gishtin e vogël	6	50%
	0%	
b) E gishtit të madh dhe të mesëm së bashku ose me gishtin e unazës, ose me gishtin e vogël	4	35%
	5%	
c) E gishtit të madh të unazës dhe të gishtit të vogël	4	35%
	5%	
d) E gishtit tregues dhe të mesëm së bashku me gishtin e unazës ose me gishtin e vogël	4	30%
	5%	
f) E gishtit tregues, e gishtit të unazës dhe e gishtit të vogël	4	30%
	5%	
g) E gishtit të mesëm e gishtit të unazës dhe e gishtit të vogël	3	20%
	0%	
12.4.7 Humbja e katër gishtërinjve të një dore		
a) E gishtit të madh, e gishtit tregues dhe të mesëm së bashku ose me gishtin e unazës, ose me gishtin e vogël	6	50%
	5%	
b) E gishtit të madh e gishtit tregues të unazës dhe gishtit të vogël	6	50%
	0%	
c) E gishtit të madh, e gishtit të mesëm dhe të unazës së vogël	6	45%
	0%	
d) E gishtit tregues, të mesëm të unazës dhe të vogël	6	50%
	5%	
5. Dëmtimi i të gjithë ose i disa gishtërinjve të të dyja duarve		
12.5.1 Humbje e të gjithë gishtërinjve, si edhe nëngishtërinjve të dy duarve	100%.	
12.5.2 Humbje e gishtërinjve të mëdhenj dhe tregues në të dy duart	85%.	
12.5.3 Humbje e gishtërinjve tregues në të dyja duart	40%.	
12.5.4 Humbje e gishtit të madh dhe e gishtit tregues të dorës së djathtë dhe e gishtit tregues të dorës së majtë	60%.	
12.5.5 Humbje e gishtit të madh dhe tregues të dorës së majtë dhe e gishtit tregues të dorës së djathtë	55%.	
12.5.6 Humbje e gishtit të madh tregues dhe të mesëm ose e gishtit të unazës, ose e gishtit të vogël të dorës së djathtë dhe e gishtit tregues të dorës së majtë	70%.	
12.5.7 Humbje e gishtit të madh tregues dhe të mesëm ose e gishtit të unazës, ose e gishtit të vogël të dorës së majtë dhe e gishtit tregues të dorës së djathtë	60%.	
12.5.8 Humbje e të gjithë gishtërinjve të dorës së djathtë, përveç gishtit tregues dhe humbje e gishtit tëmadh të dorës së majtë	60%.	

12.5.9 Humbje e të gjithë gishtërinjve të dorës së majtë, përveç gishtit tregues dhe humbje e gishtit të madh të dorës së djathtë 60%.

6. Kyçi i dorës	Dora	
	Djathtë	Majtë
12.6.1 Humbje e tërë kyçit (e karpit)	75%	60%
12.6.2 Imobiliteti artkulacionitradio-karp	40%	30%
12.6.3 Imobilitet i vështirë në artkulacioninradiokarpal	15%	10%
12.6.4 Pseudoartrozë e artkulacionitradiokarpal	50%	40%
12.6.5 Thyerje të kockave karpale që trondisin zotësinë e kapjes së sendeve me dorë të shoqëruara me një sindromë dhimbjeje permanente	20%	10%
7. Llëra		
12.7.1 Humbja e heresderi në artkulacionin e bërrylit	75%	60%
12.7.2 Imobilitet në artkulacionin e bërrylit në pozicionin fleksion ekstension në kënd të gjerë	50%	40%
12.7.3 Imobilitet në artkulacionin e bërrylit në një pozicion në fleksion në kënd të drejtë	30%	20%
12.7.4 Lëvizje e vështirë në artkulacionin e bërrylit	20%	15%
12.7.5 Pseudoartrozë në artkulacionin e bërrylit	60%	50%
12.7.6 Lëvizje të kufizuara të kyçit (në abduksion, pronacion dhe supinacion)	25%	15%
12.7.7 Lëvizje e vështirë në artkulacionin e bërrylit dhe radiokarpal	30%	20%
12.7.8 Thyerje të konsoliduara jo në rregull të dy kockave të llërës që vështirësojnë lëvizjen e kyçit ose të gishtërinjve të dorës	30%	20%
12.7.9 Imobilitet në artkulacionin e bërrylit dhe radiokarpal	55%	40%
8. Krah		
12.8.1 Humbja e krahut deri në mes të artkulacionit të supit dhe të bërrylit	75%	60%
12.8.2 Imobilitet në artkulacionin e supit	60%	50%
12.8.3 Pseudoartrozë e kockës së krahut	65%	50%
12.8.4 Lëvizje e vështirë në artkulacionin e supit	20%	10%
12.8.5 Pamundësi e ngritjes së krahut më lart pozicionit horizontal	40%	30%
12.8.6 Thyerje të konsoliduara jo në rregull të klavikulës ose të shpatullës, nëse janë të shoqëruara me kufizim të lëvizjeve në krah	25%	15%
12.8.7 Thyerje të konsoliduara jo në rregull të kockës së krahut që vështirësojnë lëvizje të krahut	35%	25%
12.8.8 Atrofi e muskujve të krahut pas dëmtimeve të tyre	30%	15%
12.8.9 Luksacion i zakonshëm i supit	25%	15%
12.8.10 Humbje të të dy krahëve ose të kyçeve të duarve		100%
13. Gjymtyrët e poshtme		
1. Gishtërinjtë		
13.1.1 Humbje e gishtit të madh		15%
13.1.2 Humbje e falangës së thoit		5%
13.1.3 Çrregullim permanent i funksionit të gishtit të madh		5-
	15%	
13.1.4 Humbje e një gishti tjetër të çfarëdoshëm		5%
13.1.5 Humbje e të gjithë gishtërinjve të një këmbë		25%

13.1.6 Humbje e kokave të kockave të metalarësit	50%
13.1.7 Thyerje e kockave të tarsit ose të metarsit të shoqëruara me çrregullime permanente të statikës ose me sindromë të dhimbshme të përhershme	15%
2. Kyçi i këmbës	
13.2.1 Humbje e këmbës deri në artikulationin e tibio-tarsal ose më poshtë	60%
13.2.2 Humbje e metatarsit (amputacion deri në artikulationin e lisfrang ose të shpartit)	40%
13.2.3 Çrregullim permanent i funksionit të kyçit të këmbës pas thyerjes së talus ose cacaneus sipas gradës	10-40%
13.2.4 Lëvizje e kufizuar në artikulationin talo-kural sipas gradës	10-20%
13.2.5 Imobilitet i artikulationit talo-kural të një këmbe me kyçin dhe kërcirin në pozicionin kënddrejtë	30%
13.2.6 Idem në pozicionin me kënd abt	45%
13.2.7 Pseudoartrozë në artikulationin talo-kural	45%
13.2.8 Pedisplana si konsekuencë e dëmtimeve traumatike që nevojitet për mbajtjen permanente të një supinatori	20%
3. Kërciri	
13.3.1 Humbja e kërcirit	60%
13.3.2 Imobilitet (ankilozë) i artikulationit të gjurit në gjendje të ngrirë drejt këmbës	40%
13.3.3 Idem në një fleksion të lehtë në këndaptuz	25%
13.3.4 Imobilitet i artikulationit të gjurit në gjendje fleksioni në një kënd të drejtë ose afër, ose në akstencion në anën e kundërt	50%
13.3.5 Pseudoartrozë e gjurit	60%
13.3.6 Dëmtime dhe sëmundje të artikulationit të gjurit që kanë shkaktuar kufizime permanente të funksionit të tij sipas gradës	20-40%
13.3.7 Procese kronike purulente të kërcirit me fisula me plagë të pashëruar sipas gradës	10-40%
13.3.8 Thyje të konsoliduara one rregull të kockave të kërcirit me shkurtim dhe kufizim të lëvizjeve të ekstremitetit sipas gradës	10-40%
13.3.9 Thyerje të pakonsoliduara e të dy kockave të kërcirit (pseudoartrozë)	60%
13.3.10 Atrofi e muskujve të kërcirit pas dëmtimeve të ndryshme	20-40%
4. Kofsha	
13.4.1 Humbja e kofshës deri në pjesën e tretë të sipërme të saj	70%
13.4.2 Idem më poshtë nga treat e sipërme	60%
13.4.3 Imobilitet në artikulationin kosko-femural në këmbë në gjendje ekstensionit	50%
13.4.4 Idem në gjendje fleksioni të këmbës	60%
13.4.5 Lëvizje e kufizuar në artikulationin kosko-femural	

sipas gradës	30-
	40%
13.4.6 Thyerje e konsoliduar jo në rregull e kofshës me shkurtim dhe çrregullim të funksioneve të ekstremitetit sipas gradës	20-
	40%
13.4.7 Thyerje e pakonsoliduar e kofshës (pseudoartrozë)	70%
13.4.8 Atrofi e muskujve të kofshës sipas gradës	15-
	30%
13.4.9 Tromboflebite traumatike ose edema permanente të ekstremiteteve të poshtme sipas gradës	10-
	40%
13.4.10 Humbje të dy këmbëve deri në kyçin e këmbës në kërci ose në kofshë	100%
13.4.11 Humbje e një këmbe ose e kyçit të këmbës me humbjen e një krahui ose të kyçit të dorës	100%

Shënim: Paralizat e plota të ekstremiteteve ose të pjesëve të tyre janë baras me humbjen e ekstremiteteve. Humbja e plotë konsiderohet, gjithashtu rrudhja e muskujve ose cikatrizimit, ulceracionet kronike, mbulim i pamjaftueshëm i monkoneve të kockës, pas një amputacioni i të ngjiturit ose të humburit të tendinave, nëse ato shkaktojnë pa mundësi të plotë të përdoret ekstremiteti i dëmtuar ose një pjesë e tij.

Abonimet vjetore për Fletoren Zyrtare mund të bëhen pranë Postës Shqiptare ose pranë Qendrës së Publikimeve Zyrtare, në adresën: Bulevardi "Zhan d'Ark", prapa ish-ekspozitës "Shqipëria Sot", nr.tel: 04 258 472 (Kryeredaktori)
Çmimi i abonimit në postë për Fletoret Zyrtare 2007 është 16 000 lekë.

BOTIMET E QENDRËS SË PUBLIKIMEVE ZYRTARE

1. KUSHTETUTA E SHQIPËRISË
2. REGJISTRAT E NOTERISË
3. PËRMBLEDHJE LEGJISLACIONI NË FUSHA TË NDRYSHME

BOTIME TË REJA (Të përditësuara gusht 2007)

KODI PENAL

KODI I PROCEDURËS PENALE

KODI PENAL dhe KODI I PROCEDURËS PENALE (i bashkuar)

KODI CIVIL

KODI I PROCEDURËS CIVILE

KODI I PUNËS

KODI I FAMILJES

PËRMBLEDHËSE LEGJISLACIONI PËR NËPUNËSIN CIVIL

Së shpejti në treg:

- Përmbledhëse e legjislacionit për taksa dhe tatime
- Përmbledhëse e legjislacionit për pronat

Hyri në shtyp më 3.12.2007
Doli nga shtypi më 3.12.2007

Tirazhi: 3500 copë	Formati: 61x86/8
--------------------	------------------

Shtypshkronja "Nënë Tereza"
Tiranë, 2007

Çmimi 48 lekë